



BACK TO SCHOOL 2017

SPEND K120 RECEIVE FREE K10 GIFT CARD

GIFT CARD

K10.00

Promotion runs until 28th Feb, 2017

Limit 5 per customer - Cash / Card customers only
See in-store for full terms & conditions

MP: 17160318

WAIGANI DRIVE, PORT MORESBY
PH: 313 9800 / 7232 1300 Fax: 325 0302
Email: sales@theodist.com.pg

MARKHAM ROAD, LAE CITY
PH: 472 5488 / 7091 7854 Fax: 472 7838
Email: saleslae@theodist.com.pg

www.theodist.com.pg

THEODIST LTD
THE STATIONERY SUPERMARKET

Wantok Today

Issue 32, January 2017

P9,10,19 na 20

Juffa: Bangladesh network stap long Leiba Dipatmen

I GAT wanpela bikpela network bilong ol Bangladesh i stap long PNG, Gavana bilong Oro, Gary Juffa, i tok.

Mista Juffa i tokim Palamen olsem i gat wanpela bikpela network bilong ol kriminel o ol manmeri bilong brukim lo, na dispela network i stap insait long Dipatmen bilong Leiba na Industrial Rilesens.

Em i askim sapos Minista bilong Leiba na Industrial Rilesens, Benjamin Poponawa, i save long dispela network o no gat.

"Planti manmeri long wanpela kantri ol i kolim Bangladesh i kam stap long PNG. Sampela i no save long tok Inglis tasol ol i kam pinis long kantri na mekim bisnis.

"Ol i no mekim bikpela invesmen. Ol i ranim ol liklik taka bokis na ranim tred stua long ol setlemen long Pot Mosbi.

"Inap mi askim sapos Minista bilong Leiba na Industrial Rilesens i save long dispela network?" Mista Juffa i askim.

Mista Juffa i tok dispela network i wok long kisim kain kain ol manmeri bilong Bangladesh i kam insait long PNG.

"Leiba Dipatmen i wok long givim ol visa long ol manmeri Bangladesh. Mi laikim Minista i mas tok aut long dispela bikpela asua i kamap long kantri," Mista Juffa i tok.

Minista Poponawa i tok em i no save long dispela network we i wok long operet insait long Dipatmen.

Em i askim sapos Gavana Juffa i ken raitim wanpela pas na putim nem bilong ol wok manmeri bilong dipatmen husat i wok long mekim dispela paul pasin na brukim lo bilong kantri.

"Mi laik askim sapos Gavana i ken givim mi nem lista bilong dispela ol manmeri husat i wok long mekim dispela samting," Mista Poponawa i tok.

Em i tok Dipatmen ov Leiba na Industrial Rilesens i save givim wok pemit long ol manmeri husat i laik wok insait long kantri.

"Dipatmen i save givim wok

pemit long ol manmeri bilong arapela kantri husat i laik wok long PNG.

"Mipela i save bihainim lo long mekim dispela wok, mipela i no save givim wok pemit nating nating," Mista Poponawa i tok.

Tasol Mista Juffa i tok Dipatmen ov Leiba i larim kain kain manmeri i kisim wok pemit nating nating.

"Yumi gat ol manmeri long narapela kantri wok olsem sekyuriti, stua kipa, draiva, na mekim ol liklik wok we ol manmeri bilong yumi yet i ken mekim.

"Olsem wanem na ol i kisim tok orait long wok long hia? Wok pemit ol i kisim long husat? Na ol i kisim we?" Mista Juffa i tok.



Eksen Gavana bilong Oro, Gary Juffa.

Mista Juffa i tok planti bilong dispela kain manmeri i wok long statim tred stua bisnis long Morata, Waigani, Gerehu, Hanaubada na 9-Mail insait long Pot Mosbi.



Las Baset bilong Gren Sif...

Gavana bilong Is Sepik, Gren Sif Sir Michael Somare, i givim laspela Baset bilong em olsem Gavana i go long Tresera Patrick Pruaich long Palamen. Olgeta Open Membra bilong Is Sepik Provins wantaim Administrata na sampela ol bik manmeri bilong Provinsel Gavman tu bin stap taim Gren Sif Somare bin givim baset. Foto Nicky Bernard.

Gavman bai stretim sistem bilong bikpela kar

MINISTA bilong Transpot, Malakai Tabar, i laik stretim ol sistem na lo bilong sekim gut ran bilong ol bikpela kar long nesanel rot na haiwe.

Mista Tabar i tokim Palamen long Tunde long dispela wik olsem gavman bai kamapim wanpela nupela polisi long larim ol bikpela haiwe trak i ken kisim skel bilong ol.

Mista Tabar i mekim dispela toktok taim em i laik bekim askim bilong Mmeba bilong Ijivitari, David Arore.

Mista Arore i bin

askim em wanem kain polisi bilong gavman i stap long daunim mak bilong eksident o birua we bikpela kar i kamapim long en.

Em i autim dispela toktok bihain long wanpela bikpela kar bilong Higaturu Oil Palm kampani i bin kilim 13 manmeri long Oro Provins long las wik.

Mista Tabar i tok bipo Transpot Dipatmen i save gat wanpela masin bilong skelim hevi bilong kar.

"Dispela masin i save skelim hevi bilong kar na sekim sapos ol

bikpela kar i bihainim mak bilong karim hevi," Mista Tabar i tok.

Em i tok dispela masin i no moa wok gut long PNG, tasol gavman i laik kamapim nupela masin long larim hevi na weit bilong ol bikpela kar i stap balens na bihainim mak o limit bilong ol.

Long wankain taim, Mista Arore i askim tu sapos Mista Tabar i ken tokim ol lain long Motor Vehicle Insurance Limited (MVIL) long stretim ol lain bi-

long dispela 13 manmeri husat i dai long rot eksiden long Oro.

"Mi laik askim sapos Minista Tabar i ken tokim ol MVIL lain long givim tet pati insurens mani long lain bilong dispela 13 manmeri husat i dai," Mista Arore i tok.

Mista Arore i belhevi liklik olsem MVIL i no save givim ol kompens-esin o insurens mani long taim stret.

"Mi laikim kompens-esin i mas kamap hariap. MVIL i mas givim insurens hariap long ol lain bilong mi," Mista Arore i tok.

O'Neill: Yumi mas sapotim APEC bung

PRAIM Minista Peter O'Neill i askim olgeta manmeri long PNG long sapotim gavman long holim bikpela bung bilong APEC long yia 2018.

Mista O'Neill i autim dispela toktok long Palamen long Tunde long dispela wik.

"Kantri bilong yumi i nidim moa foren invesmen. Foren invesmen em i namba wan samt-ing long kirapim ikonomi na helpim pipel bilong yumi.

"Em i isi tru long stopim ol foren kampani long kam insait long kantri bilong yumi na mekim bisnis.

"Tasol husat bai givim mani na kaikai long ol pipel. Planti manmeri bilong yumi i save kisim wok na putim kaikai long tebol bilong famili bikos long foren investmen.

"Long dispela as, yumi mas sapotim gut gavman long holim dispela bikpela bung bilong APEC long kantri bilong yumi," Mista O'Neill i



Praim Minista Peter O'Neill

tok. Em i tok APEC bung bai bringim ol siaman na sif eksekutiv opisa bilong moa long 1000 kampani insait long Asia na Pasifik rijon.

"Sampela ol CEO na siaman bilong bikpela ol Fortune 500 kampani bai kam long Pot Mosbi long dispela bikpela bung bilong APEC.

"Sampela bai kam long lukim maket bilong PNG. Ol i laik mekim bisnis wantaim PNG na ol i laik kam lukim kantri," Mista O'Neill i tok.

Em i askim gavman na oposisen wantaim long sapotim dispela bung

bikos kantri bai kisim bikpela benefit bihain long en.

"Mi laik askim yumi olgeta, oposisen na gavman wantaim, na olgeta manmeri long PNG, long sapotim dispela bung.

"Gavman i mekim olgeta samting long larim PNG i yusim gut dispela sans long holim APEC bung.

"Em i wanpelataim tasol mipela bai holim. Planti taim arapela bikpela kantri i save holim.

"Tasol nau PNG i apim han long holim APEC long 2018. Mi amamas long wok mipela i mekim.

"Olgeta hotel na arapela samting i kamap gut.

"Sait bilong sekyuriti, Australia na Amerika, i wok long helpim yumi.

"Mi wanbel long dispela na laikim ol manmeri na ol lida long sapotim gavman," Mista O'Neill i tok.

Nupela deputi spika em i Maprik MP

PALAMEN i makim nupela deputi spika long Trinde moning na ol i makim Memba bilong Maprik, John Simon, i kisim ples bilong Aide Ganasi.

Mista Ganasi, husat i bin memba bilong Saut Flai, i bin stap deputi spika bilong Palamen, tasol em i bin dai long las yia.

Dispela i lukim sia bilong deputi spika long dispela liklik taim i stap nating bipo long nesanel ileksen i kamap.

Taim Palamen Spika Theo Zurenuoc i askim ol memba long nominetim wanpela memba i kamap nupela deputi spika, memba bilong Tewai-Siassi na Minista bilong Piseris, Mao Zeming, i nominetim memba bilong Maprik, John Simon.

Memba bilong Komo-Margarima na



Memba bilong Maprik, John Simon.

ekting Gavana bilong Hela, Francis Potape, i sekenim dispela nominesen.

Bihain long en, Oposisen Lida Don Polye i

nominetim Memba bilong Kainantu, Johnson Tuke. Memba bilong Rabaul, Dokta Allan Marat, i bin sekenim nominesen bilong

Mista Tuke.

Taim taim ol i vot, 64 memba i votim Mista Simon na 13 memba i votim Mista Tuke.

"Mani mak bilong prinim balot pepa long

Balot pepa bai kam long Indonesia

Aja Potabe i raitim

BALOT pepa bilong 2017 Nesanel Ileksen bai kam long Indonesia, Sif Ilektral Komisina Patalias Gamato i tok.

Mista Gamato i tok PNG Ilektral Komisnin (PNGEC) bai prinim ol balot pepa long Indonesia bikos em i no bikpela mani long pritim ol balot pepa long hap.

"Mani mak bilong prinim balot pepa long

Semarang Siti long Indonesia em i K6.6 milien tasol," Mista Gamato i tok.

Em i tok sapos ol i prinim long PNG, mani mak bai go antap long K23 milien.

Mista Gamato i tok dispela balot pepa i gat 8-pela samting long givim sekyuriti.

"Ol bai hat long prinim gen dispela kain balot pepa," Mista Gamato i tok.

Tasol Gavman Printa Christine Lenturut i tok

long prinim 15 milien balot pepa long PNG, mani mak em i K12 milien.

"Mani mak bilong prinim 10 milien balot pepa em i K6.6 milien," em i tok.

Gavman Printin Opis bai no inap prinim ol balot pepa bikos PNGEC i givim kontrak pinis long Pura Grup, wanpela kampani long Semarang long Indonesia, long prinim 10 milien balot pepa.



Wasa Rice 200g
Em Skel Ya
 GROWN FOR THE PEOPLE OF PNG

O'Neill bai askim Trump long kam

Aja Potabe i raitim

PRAIM Minista Peter O'Neill i tok em bai askim nupela Presiden bi-long Amerika, Dobald Trump, long kam long PNG long APEC bung long yia 2018.

Mista O'Neill i tok Amerika em i wanpela poroman bilong PNG na em i amamas long lukim Amerika i gat nupela lida.

Mista O'Neill i mekim dispela toktok taim ol i makim mekim swering in seremoni o seremni bi-long statim wok bilong Presiden Trump long Washington DC long las wik Fraide.

Taim PNG i mekim ol wok long redi long holim bikpela bung bilong APEC long yia 2018, Mista O'Neill i tok em i amamas olsem Mista Trump bai wanpela APEC lida bai kam long dispela bung.

"Mi makim maus bilong pipel na gavman bilong PNG long salim bikpela tok amamas i go long Mista Trump i kamap namba 45 presiden bilong Amerika," Mista O'Neill i tok.

Mista O'Neill i tok em bai raitim wanpela pas i go long Mista Trump na askim em long kam long PNG.



Praim Minista Peter O'Neill bai askim Presiden Donald Trump bilong Amerika long kam long APEC 2018 long Pot Mosbi. Foto: Intanet

"Klostu taim tasol bai mi raitim wanpela pas i go long Mista Trump na askim em long kam long Pot Mosbi long dispela bikpela bung bilong APEC," Mista O'Neill i tok.

Mista O'Neill i tok tenkyu long Amerika i wok long givim sapot long PNG taim PNG i wok long mekim ol wok long redim em yet

long holim bikpela APEC bung long 2018.

"Mi laik tok tenkyu long Gavman bilong Amerika i wok long givim helpim ol yumi. Taim mipela i wok long mekim ol wok long holm dispela bikpela bung bilong APEC long Pot Mosbi, Amerika i wok long sapotim yumi," em i tok.

Em i tok tenkyu tu long pasin bi-long kamapim poroman namel long PNG na Amerika i wok long gro i go strong moa yet.

"Tred na invesmen i strongim poroman namel long tupela kantri bilong yumi. Amerika na PNG i wok long wokbung wantaim long edukesen, piseris na heltkea,"

Mista O'Neill i tok.

Mista O'Neill i luksave tu olsem PNG LNG Projek em i wanpela bikpela invesmen we intanesenel oil na ges kampani bilong Amerika, ExxonMobil Corporation, i go pas long hia.

Long wankain taim, Mista O'Neill i wanbel tu olsem Mista Trump i makim wanpela gutpela poroman bilong PNG i kamap nupela Seketeri ov Stet bilong Amerika.

Long mun Desemba long las yia, Mista Trump i bin makim Siaman na Sif Eksekutiv Opisa (CEO) bilong ExxonMobil Corporation, Rex Tillerson, i kamap nupela Seketeri ov Stet bilong Amerika.

Mista O'Neill i tok amamas long Presiden Trump i makim Mista Tillerson i kamap nupela Seketeri ov Stet.

"Mista Tillerson i save gut long kantri bilong yumi na em i wanpela gutpela poroman bilong PNG.

"Mi amamas long kain mas olsem Mista Tillerson bai mekim dispela bikpela wok bilong Gavman bilong Amerika," Mista O'Neill i tok.

Olsem wanem long National Narcotics Bureau

Aja Potabe i raitim

NATIONAL Narcotics Bureau (NNB) i pas yet na opis i no op, wanpela wokman i tok.

Lawrence Tau, husat i wanpela senia opisa bilong NNB, i tok ol i no gat opis long stap na wok.

Mista Tau i bin wok wantaim NNB olsem wanpela senia opisa bilong edukesen na awenes seksen.

Mista Tau i tok gavman i bin pasin NNB long yia 2014 na klostu long tripela yia i go pinis.

"Long mun Jun long yia 2014, mipela i harim olsem i no gat wanpela fanding bilong NNB.

"Gavman i stopim mani mipela i save kisim long ranim operesen bilong NNB long Jun 2014.

"Dispela i mekim mipela i hat long mekim ol wok na karim aut ol program bilong NNB," Mista Tau i tok.

Em i tupela yia na gavman i no mekim wanpela toktok long opim gen opis bilong NNB, em i tok.

Mista Piu i autim dispela toktok taim Oposisen Lida Don Polye i askim gavman long wanem samt-ing i kamap long NNB na opis i pas.

Mista Polye i bin mekim dispela singaut long las wik taim em i bin lonsim wanpela asosiesen long Kundiawa, Simbu Provins.

Simbu Yut Grup i bin askim Mista Polye long kamap olsem Gest Spika taim ol i bin kamapim wanpela bung long statim wokbung bilong ol wantaim polis long rausim mariwana na stim insait long komyuniti.

Mista Polye i tok mariwana na hombru i save bagarapim ples na bagarapim laip bilong manmeri.

"Ples bilong yumi i bagarap bikos tingting bilong ol manmeri tui bagarap. Namba bilong ol manmeri husat i save pulim mariwana i wok long gro long olgeta yia.

"Dispela i bagarapim sosaiti na komyuniti bilong yumi. Fiutsa bi-



Oposisen Lida Don Polye laikim gavman long opim National Narcotics Bureau.

long dispela kantri i no stap gut bikos planti yangpela manmeri i wok long smokim mariwana na dring stim na hombru.

"Dispela i no gutpela sain. Kantri bilong yumi i mas gro na develop. Sindaun bilong ol manmeri bilong yum ii mas stap gut.

"Tasol taim planti yangpela manmeri na lapun manmeri tu i smokim mariwana na dring hombru, bihain taim bilong dispela

kantri bai no inap stap gut," Mista Polye i tokim ol manmeri long Kundiawa long las wik.

Wantok Niuspepa i luksave olsem gavman i salim i go long Dipatmen ov Jastis na Atoni Jeneral.

Long Nesenel Baset bilong dispela yia, NNB bai kisim mani long Dipatmen ov Jatis na Atoni Jeneral, na em bai kamap olsem wanpela divisen bilong Dipatmen ov Jastis na Atoni Jeneral.

AIR FARES
STATIONERY
NEW UNIFORMS
TEXT BOOKS
LAPTOP
TRANSPORT
PROJECT FEES
BOARDING

BSP PERSONAL LOAN

Visit your nearest **BSP Branch today to apply.**

- ✓ 100% unsecured loan
- ✓ Loan up to K50,000
- ✓ Flexible repayment terms
- ✓ Quick approval

Back to School is easy with a BSP Personal Loan

WE ARE **BSP**

www.bsp.com.pg

Palamen bai makim nupela GG long Februeri

SPIKA bilong Nesenel Palamen Theo Zurenuoc i singaut i go long ol nupela nominesen bikos tem bilong Gavana jenerel Sir Michael Ogio bai pinis long Februeri 2017.

Mista Zurenuoc i tokaut olsem GG i wok 6-pela yia pinis. Aninit long seksen 88 bilong konstitusen, Palamen bai i ken makim GG bihain long husat em het bilong stet insait long 3-

pela mun bifo tem bilong em i pinis.

Em i tok tu olsem olgeta nominesen fom bilong GG bai redi stap long opis bilong klak bilong Palamen, Kala Aufa. "Nominesen i mas


gat signesa bilong man i makim na man i laik sanap olsem GG wantaim 15 signesa husat i endosim nominesen. Bihain long dispela, GG ilek bai kamap long 9 februeri.

UPNG Medikal Leksera stop wok

KLAS bilong Yunivesiti bilong PNG (UPNG) skul ov Medesin na Helt Saiens bin stop bihain long ol leksera i stop wok bikos ol i no kisim autstending pe bilong ol.

Het Dokta bilong ol meri (obstetrics and gynaecology) Profesa Glen Mola (piksa) i tokaut long ol sumatin olsem ol i stop wok bikos gavman mas peim autstending mani olsem k5.6 milien.

Em i tok tu olsem ol i tingting long kolim wanpela nesen waid



straik bilong ol dokta sapos gavman i no givim mani bihain long 1 wik.

"Ol sumatin bilong mipela husat i wok long haus sik i kisim antap pe ken long mipela ol leksera bilong ol bikos Yunivesiti i no putim Nesenel Dokta awod (NDA) long ol dokta husat i wok long Yunivesiti.

Dispela em i no stret na em iligel. Mipela i karim dispela hevi long 3-pela yia", Profesa Mola i tok.

Kensa drag i kamap

I gat 3-pela palet gadasil marasin bilong sevikel kensa i bin kamap long Mande 23 Januəri na bai ol i givim aut olsem hap bilong Human Papiloma Virus (HPV) veksinesen insait long Pot Mosbi.

Helt dipatmen Adolesen menesa na tim lida, Dokta Edward Waramin i tok, sevikel kensa em i bikpela sik tru bilong ol meri na em i save kilim planti meri i dai.

"Papua Niugini em i kantri we i gat bikpela namba tru long sevikel kensa insait long wol. I gat 1,500 meri save dai long dispela sik long wan wan yia. HPV em i wanpela mein kontributing fekta long sevikel kensa.

Dispela veksinesen bilong HPV i bin stap long 2004 na em i helpim long daunim namba bilong cervical cancer, Dokta Waramin i tok.

2017 kenidet namba antap tru

MOA long 4,000 kenidet bai ran long 111 palamen sia insait long 2017 nesenel ileksen.

Ilektrel komisin i tok bai gat klostu long 6,000 kendidet we bai lukim olsem dispela namba i antap tru insait long demokrasi wol.

Ol nius ripot i soim dispela bihain long lonsing bilong, nesenel pres klab (NPC) long Lamana Hotel.

Em i tok tu olsem ileksen bai kamap long taim stret.

Praim Minista Peter O'Neil i tok, ileksen em wanpela wok we i nidim planti mani long ranim wantaim planti kenidet.

Ilektrel komisin i bin askim long K500 milien bilong ranim ileksen tasol gavman i givim tasol k350 milien.

7.9 Bikpela guria i bagarapim gaden kaikai

WANPELA bikpela guria strong bilong en 7.9 i kamap long Sande long Sauten tip bilong Atonomas rejon bilong Bogenvil we i bagrapim planti gaden kaikai.

US jiolojikal sevei i tok, dispela guria i 47 kilomita wes long Arawa long 136km dip. Planti manmeri stap long lotu i bin kirap no gut tru na abrusim dai long dispela taim.

I bin laki tru olsem planti manmeri tu i no bin stap long ol gaden long dispela taim.

I bin gat liklik bagarap tasol long ol bus haus, insait long Buin, Siwai, Nagovis na Torokina.

Het bilong nupela Sios long Wisai tu i bin bagrap na sem taim pit toilet bilong ol i bin sink go insait long graun.

Ol graun long maunten tu i bruk wantaim sampela bris na rot insait long wan wan hap bilong sentrel na saut Bogenvil. Ol pipel tu husat i stap klostu long nambis i kisim tok lukaut long Sunami.

Boroko Polis stesin bai opim ken lokap

NESENEL Kapitel Distrik Komisen Helt Atoriti i wanbel long opim Boroko polis lokap o sel bihainim bikpela wok renovesen. Polis sel bai stat ol long dispela wik.

Ekting Sinia environmental helt opisa bilong Mosbi Not-Is, Mathew Laba husat i lukim sel las wik i tok, dispela polis sel i kamap long gutpela mak bilong helt rikwaiamen nau.

"Mipela i bihainim rikwes i kam long ol het bos bilong Polis las yia na painim aut olsem i bin gat planti deti insait long sel we i givim sik long ol man save stap insait. Bihain long dispela repot, mipela bin pasim polis sel. Wok renovesen i kamap siks-pela mun na nau sel em i redi", Laba i tok.

OPENING OF THE LEGAL YEAR 2017

Judges, Magistrates & Lawyers are to be robed for the service.

The Combined Police & CS Bank will lead Judges, Magistrate & Lawyers from the Mari Mari Lutheran Church Gordons (next to Murray International School) along Boroko Drive to the Rev Sioni Kami United Church.

Refreshments will be available after the Service, which is expected to finish by 10:45am.

The Courts in Boroko, Port Moresby and Waigani will be closed during that morning.

THE 2017 LEGAL YEAR CHURCH SERVICE IS TO BE HELD AT THE Rev SIONI KAMI UNITED CHURCH AT 9:30 AM ON MONDAY 30TH JANUARY 2017.

THIS IS AN ECUMENICAL SERVICE TO WHICH REPRESENTATIVES OF ALL CHURCHES CONGREGATIONS AND THE PUBLIC ARE INVITED TO ATTEND.

THE SERVICE IS FOR THE LEGAL PROFESSION BUT MEMBERS OF THE PUBLIC ARE CORDIALLY INVITED. THERE IS AMPLE PARKING ON THE CHURCH PREMISES.

National Judiciary Service & PNG Law Society

PHONE: 324 5868 / FAX: 325 7732

Issued by:



IAN AUGEREA
Registrar
Supreme & National Courts



PIH Saveman *Nius*

"I kam long Pacific International Hospital Port Moresby"

Ph: 311 3000 and 799 88000 Website: www.pihpng.com

MICROVASCULAR RECONSTRUCTIVE SURGERY OUR HANDS

Our hands serve many purposes. Hands help us eat, dress, write, earn a living, create art, and do many other activities. They even help the blind to read and the mute to speak! Our hands are unique; they are our tools for living.



To perform various tasks and activities of daily living, our hands require sensation and movement, such as joint motion, tendon gliding, and muscle contraction. All these should occur in a smooth and coordinated manner. When a problem occurs in the hand, care must be given to all the different types of tissues that make function of the hand possible. The hand is a unique area of the human body that is made up of bone, joints, ligaments, tendons, muscles, nerves, skin, and blood vessels. These elements must all be in good working order for the hand to function well. The relationship between all these structures is delicate and refined. An injury or disease can affect any or all of these structures and impair the use of the hand.

Injuries and diseases of the hand range from uncomfortable to incapacitating. They require special care to restore form and function to the injured or deformed hand. Hand Surgeons are specifically trained to provide that care.

The hand is so complex that seeing a specialist yields the best solution—even for conditions or injuries that seem insignificant. When you are affected with uncomfortable pain from an injury or disease, hand surgery experts are here to assist you in relieving your pain and getting you to feel better as soon as possible. When appropriate, they prescribe hand therapy and recommend certified leading hand therapists to work

with you. For more severe situations, surgery may be required.



Our goal is to help our patients relieve their pain and regain function of their hand, wrist, elbow, or shoulder. A qualified hand surgeon is trained to diagnose and treat all problems related to these different structures in the hand, wrist, forearm and arm. Hand surgeons have received specialized additional training in the treatment of hand problems in addition to specialty training in orthopedic surgery, plastic surgery, or general surgery.

WHAT IS HAND SURGERY?

- Hand surgery is the field of medicine that deals with problems of the hand, wrist and forearm.
- Hand surgeons care for these problems without surgery, and they are specially trained to operate when necessary.
- Many hand surgeons are also experts in diagnosing and caring for shoulder and elbow problems. In other words, they are trained in comprehensive care of the entire upper extremity.
- Hand surgeons are orthopedic, plastic or general surgeons who have additional training in surgery of the hand.



Not all problems treated by a hand surgeon need surgery. Hand surgeons often recommend nonsurgical treatments, such



as medication, splints, therapy, and injections. Hand surgeons are specialists devoted to hand care. If you have pain in your fingers, hand, wrist or arm, or have other upper extremity related concerns, you may want to consult a hand surgeon.

Treatment of diseases that affect the upper extremities.

Emergency treatment of minor and major injuries.

Treatment of carpal tunnel syndrome, cubital tunnel syndrome and other repetitive motion injuries (cumulative trauma).

Treatment of peripheral nerve compression injuries.

Restoration of hand, arm, and shoulder function following disabling injuries.

Reconstruction of birth defects.

Arthritis treatment, including joint reconstruction.

Removal of cysts, tumors and skin lesions. Scar removal or revision.

Arthroscopy of the shoulder, elbow and wrist.

Treatment of Adult Brachial Plexus Injuries.

Treatment of Obstetrical Brachial Plexus Palsy.

Common surgical procedures:

- Emergency treatment of minor and major hand and arm injuries,
- Restoration of hand and arm function following disabling injuries,
- Reconstruction of birth defects,
- Treatment of carpal tunnel syndrome and other repetitive motion injuries (cumulative trauma),
- Arthritis treatment, including joint reconstruction,
- Removal of cysts, tumors and skin lesions, Scar removal or revision,
- Arthroscopy of the elbow and wrist,
- Treatment of diseases that affect the upper extremities,
- Joint replacement,

- Replantation of fingers, hands, and arms,
- Reconstruction of fingers and thumbs,
- Revascularization,
- Bone transplantation,
- Free tissue and muscle transfers,
- Burn treatment,
- Nerve repair,
- Tendon/ligament reconstruction and repair,
- Compound fracture repair,
- Soft tissue repair and reconstruction.

Article contributed by :



Dr Abhijeet Wahegaonkar
M B B S ;
D . O r t h o
(Hons); DNB
(O r t h o) ;
M S _ C T S A
(Mayo Clinic);
M. Ch (Ortho);
Diplomate in
Hand Surgery ;

FACS Fellow - Hand & Microvascular Reconstructive Surgery (USA; Germany; France)
Fellow - Brachial Plexus & Peripheral Nerve Surgery & Advanced Hand Surgery (Japan).
Fellow - Shoulder Surgery (France)

Visiting Consultant, Pacific International Hospital



Dr Dinesh KM
MBBS, MS
(Ortho), DNB
(Ortho) & Fellowship
in Sports Medicine
Consultant Orthopaedic Surgeon,
Pacific International Hospital

ANY CHEST PAIN CAN BE DANGEROUS



PIH CHEST PAIN CLINIC

IF YOU ARE FACING ANY OF THESE PROBLEMS :

- CHEST PAIN
- CHRONIC COUGHING
- DIFFICULTY IN BREATHING
- BLOOD IN SPUTUM

FREE CONSULTATION HURRY & PRE-BOOK TODAY!

BOOK NOW CALL US AT 7998 8000 EXT 135





Senis insait long 300 de

YIA 2017 I kam na 25 de I go pinis. Yumi gat 340 de moa long mekim sampela gutpela samting i kamap long stretim sindaun bilong yumi.

Planti yumi i go bek long wok long opis tasol ol biklain long maket i tingting long hamas mani ol inap mekim taim mun Disemba i kam bek gen. Narapela biklain bai i go bek long skul, na ol i gat kain kain driman bilong kamap traipela saveman o savemeri long sampela kain wok.

Mi bungim tupela susa i salim pinat na tupela i tok wan wan bilong tupela i laik bungim mani inap long ten tausen kina insait long 10-pela mun. Mi skelim pinat na mani mak tupela i lukluk long en na mi tok tasol pinat em i liklik tumas.

“Nogat mitupela i gat bilip long pinat,” wanpela meri ya i tokim mi. “Mitupela i traim pinis na mitupela i save pinat em i gutpela long mitupela,” meri ya i tok moa.

Tupela poro ya i nogat bikpela save. Wanpela i pinis long gret 4 na narapela long gret 7. Tasol tupela i gat driman na tupela i no driman nating tasol. Tupela i tuhat long mekim dispela driman i mas kamap.

Planti yangpela i wok long redi long statim skul. Planti i amamas ol i kisim spes long skul tasol ol i no save ol i laikim wanem long skul? Mi askim 20-pela pikinini long Mosbi wanem samting ol i laik winim long skul dispela yia. Seventinpla i bekim olsem ol bai i go long skul olgeta dei bilong skul. Tupela i no inap bekim gut na wanpela i tok long dispela yia em i laik kisim gutpela mak long skul wok bilong em.

Yumi lukim planti pikinini i go long skul. Planti bilong ol dispela pikinini i go long skul bikos olgeta arapela pikinini i go long skul. Planti i go long skul na i save hangamap arere long banis o i poro wantaim mobail fon na i no putim tingting na bel long skul wok? Planti i ranawe long skul long taim bilong klinim klasrum na skul o long taim bilong pilait spot. Dispela ol pikinini bai i win olsem wanem?

Yumi lukim pasin bilong ritim buk em i go daun na pasin bilong pilai long mobail fon em i go antap. I moa gut sapos ol pikinini i yusim ol mobail fon long mekim skul wok bilong ol. I gutpela sapos ol skul tu i stat lainim ol skul pikinini long pasin bilong yusim mobail fon gut.

Tupela poro susa i putim olgeta tingting bilong tupela na tupela i save tupela bai i win. Ol yangpela bilong yumi long ol skul tu inap win sapos ol i givim planti taim long mekim skul wok bilong ol. Yanpela susa bilong yumi i no westim moni bilong papamama tasol em i westim nating 300-pela dei.

Tupela poro susa i kisim wanpela liklik samting na tupela i save em bai i halivim tupela long mekim driman blong tupela i kamap tru tru. Ol skul pikinini salens bilong ol i narakain narakain tasol sapos ol inap luksave long dispela ol salens na abrusim ol dispela we i no inap halivim ol, ating wok bilong go long skul na kisim save bai i kamap samting nating.

Yumi gat 340 dei. Bai yumi westim o bai yumi kamapim sampela gutpela samting? Dispela yia 2017 em i yia bilong senis. Stat tomorrow. Yumi traim.

K90m kontrakta long givim aut skul saplai



Long raithan: Kelvin Tan, Jeneral Menesa na Jimmy Poh, Menesing Dairekta (MH i sainim kontrak wantaim Dokta Uke Komba, Seketeri bilong Edukesen long ai bilong Gavana Jeneral, Sir Michael Ogio long Gavman Haus, Konedobu. Foto: Nicky Bernard

Paul Zuvani i raitim

EDUKESEN Dipatmen i sainim K90 milien kontrak wantaim tupela kampani long baim na redim ol skul saplai long Gavman Haus, Konedobu long dispela wik.

Dispela kontrak i bihainim Oktoba, 2016 disisen bilong Nesenel Eksekutyutiv Kaunsil (NEC) long lukim ol kampani i helpim gavman long baim na givim aut ol skul saplai bilong lain i go long ol skul.

Tupela kampani em Tokiwa Ltd na MH Ltd. Dispela ol kampani em ol lokal kampani.

Edukesen Seketeri, Dokta Uke Komba i makim gavman na sainim kontrak.

Long taim bilong saining, Dokta Komba i tok em i givim tupela kampani 120 de long ol i mas redim dispela ol skul saplai.

Tupela kampani i ken baim ol skul samting insait long kantri o long ausait.

Em i tok tupela kampani bai baim tasol ol saplai tasol narapela 4-pela kam-

pani we NEC bai makim yet bai mekim wok long givim aut ol saplai long 4-pela rijon.

Pastaim ol i kolim dispela komponen Komoditi Komponen. Narapela tupela hap bilong TFF em Ed-

‘Dokta Komba i tok em i givim tupela kampani 120 de long ol i mas redim dispela ol skul saplai’.

Em i tok dispela i namba tri hap o komponen bilong tusen fi fri (TFF) polisi bilong Edukesen Dipatmen.

Em i tok pastaim ol i traim tasol dispela sistem na i makim wanpela kampani tasol (Traid Pacific) long mekim dispela wok.

Em i tok bihainim dispela ol i lukim gutpela na nogut bilong wok na nau wantaim gutpela save ol bai traim long givim kwaliti tisa na lain samting i go long ol skul.

Ol i kolim dispela polisi Karikulum na Risos Metiriel aninit long Tis Risos komponen (Curriculum and Resource Materials under Teaching Resource component).

ministresen na Infrastraksa.

Dokta Komba i tok dispela yia, Gavman i givim K602 milien long TFF polisi.

Em i tok tripela komponen, wan wan bilong ol bai kisim 30 pesen mani mak gavman i givim long TFF polisi.

Em i tok gavman i bin makim olsem ol skul bai kisim hap TFF mani tu long distrik sevis impruvmen program (DSIP) na provinsel sevis impruvmen program (PSIP). Em i wok bilong ol lokal memba na distrik atoriti long lukim dispela mani i go tu long ol skul.

“Long 2016 mipela i stat long putim mani long sait long baim ol

kontrakta, ol patna bilong mipela, long ol i ken givim aut gut ol samting bilong tis na lain i go long ol skul,” Dokta Komba i tok.

“Bikos long dispela mipela i lukim nau (Mande 23) tasol saining seremoni long karim aut dispela polisi.

“Bai gat tupela hap, namba wan i bilong ol kontrakta i painim, baim na redim ol skul saplai na namba tu hap i bilong ol kontrakta i kisim ol saplai na givim aut ol saplai long ol skul.

“Narapela 4-pela kampani bai mekim wok long givim aut ol skul saplai long foapela rijon.”

Dokta Komba i tok NEC i makim dispela ol kampani na narapela 4-pela kampani we em bai makim yet bihainim gutpela rekot ol i gat long mekim kain wok olsem.

Em i tok stat long 2012 i kam inap nau, 2017 gavman i givim inap olsem K3.3 bilien long sapatim TFF polisi.

Komba: Skul long kisim K15 milien TFF mani dispela wik



Paul Zuvani i raitim

EDUKESEN Seketeri, Dokta Uke Komba (piksa) i tok ol skul bai kisim K15.5 milien tusen fi fri (TFF) mani long dispela wik.

Em i tok dispela mani i bilong namba wan tem bilong skul na i namba wan hap bilong K602 milien mani gavman i makim long TFF polisi.

Em i mekim dispela tok taim em i sainim K90 milien kontrak wantaim ol kampani bilong baim na redim ol skul saplai long Gavman Haus, Konedobu long dispela wik.

“Mi bin bung wantaim Fainens Seketari (Dokta Ken Ngagan) na mipela i toktok long dispela tasol em i stap long mak sapos i gat inap kes (lip mani) mipela bai givim dispela mani,” Dokta Komba i tok.

“I gat komiti i stap bilong lukluk long dispela na mipela i hop long givim aut dispela mani sampela taim long dispela wik.

“Inap olsem K15.5 milien em mipela i makim bilong givim aut.

“Mipela i save givim (TFF) mani long wan wan kwata olsem tem wan i go long tem foa.

“Long pinis bilong yia mipela i mas givim olsem K602 milien.”

Dokta Komba i tok maski sapos i gat hevi bilong mani, gavman stat long 2012 i bin inap long sapatim gut TFF polisi.

Em i tok TFF polisi i gat tripela hap o komponen na dispela ol hap em Edministresen, Infrastraksa na Karikulum na Risos Metiriel komponen.

Em i tok long tripela hap, wan wan bilong ol bai kisim 30 pesen mani mak gavman i givim long TFF polisi.

Em i tok gavman i bin makim olsem ol skul bai kisim hap TFF mani tu long distrik sevis impruvmen program (DSIP) na provinsel sevis impruvmen program (PSIP).

Em i tok em i wok bilong ol lokal memba na distrik atoriti long lukim dispela mani i go tu long ol skul.

Las Wok bilong G-G



GAVANA Jenerel bilong Papua Niugini, Gren Sif Sir Michael Ogio i mekim laspela wok bilong em olsem Gavana Jenerel long Mande taim em i sainim wanpela agrimen namel long tupela kampani we bai saplaim ol skul metiriel.

Gren Sif Sir Michael Ogio i stap

olsem Gavana Jenerel long 6-pela yia olgeta. Ol i bin makim em taim Somare gaman i holim gavman na Sir Ogio i bin wanpela bilong memba Bogenvil na em i stap long gavman bilong Somare.

Sir Michael Ogio i bin kisim ples bilong Sir Paulias Matane, bihain long Sir Paulias, i bin holim opis bi-

long Gavana Jenerel long tupela tem olgeta.

Spika bilong Palamen nau i makim deit pinis long ol i makim nupela Gavana Jenerel long Palamen haus long Febuari 9 long sikret balot.

Planti bilong ol memba bipo long Palamen na tu ol sampela bik

nem man i putim han i go antap pinis long kamap G-G, tasol dispela bai yumi harim husat tru bai sindaun long sia bilong Gavana Jenerel long Febuari 9.

Dispela tu i mekim ol lida long Palamen bai sindaun long tripela wik olgetapastim ol i lusim na kam bek long laspela sindaun bipo long ileksen.

Dispela poto bilong Gavana Jenerel Gren Sif Sir Michael Ogio, i soim em i mekim laspela saining seremoni bilong em wantaim sekerter i bilong Edukesen na ol kontrakt lain long Gavman Haus long dispela wik Mande.

- Poto na Stori Nicky Bernard.

SME polisi bai helpim manmeri statim bisnis

Aja Potabe i raitim

PRAIM Minista Peter O'Neill i tok gavman i lonsim pinis wanpela nupela polis long helpim ol manmeri statim nupela bisnis.

Gavman i lonsim pinis SME Polisi na dispela nupela gavman polisi bai helpim ol manmeri long statim nupela bisnis.

Mista O'Neill i tok gavman i kamapim dispela polisi long larim moa long 450,000 nupela bisnis o SME i kamap long yia 2030.

"SME o liklik bisnis em i namba wan samting long laip bilong ol manmeri bilong yumi. Kain kantri olsem Taiwan i bin di-

velop taim SME i develop.

"SME i bin developim Taiwan na mipela laik mekim wankain samting long PNG. Mi laik salensim ol manmeri long statim nupela bisnis.

"Em i no isi long statim bisnis, tasol manmeri i mas mekim hat wok long kamapim strongpela bisnis.

"Dispela nupela SME polisi bai helpim ol manmeri long kisim dinau mani long National Development Bank (NDB)," Mista O'Neill i tok.

Em i mekim dispela toktok taim em i laik bekim askim bilong memba bilong Angilimp-Saut Waghi, Joe Koim.

Mista Koim i bin askim sapos gavman i ken helpim

ol liklik manmeri long statim nupela bisnis na sindaun bilong ol. Mista O'Neill i tok gavman i save givim K1 milien long olgeta memba long wan wan yia long helpim pipel bilong ol long statim liklik bisnis.

"Ol memba i save kisim K10 milien DSIP mani long wan wan yia. K1 milien insait long dispela K10 milien em i mani bilong SME," Mista O'Neill i tok.

Em i tok ol liklik kontrakta bilong mekim klasrum bilong skul o haus sik bilding i save benefit long dispela kain DSIP mani, na em i helpim bilong gavman long kirapim liklik bisnis.

ANX laik daunim prais bilong haus

WANPELA nupela ril estet kampani i askim ol manmeri husat i gat haus long rentim o salim long lukim ol.

ANX Real Estate Brokers i laik helpim ol papa bilong haus long putim long rent na salim haus bilong ol.

Sif Eksekutiv Opisa (CEO) bilong ANX, Gilad Levi, i tok

prais bilong baim haus long PNG em i antap tumas.

Tasol ANX i laik daunim prais bilong ol haus we ol i putim long maket long salim o rentim.

"Prais bilong haus i save go antap taim ol ril estet ejen o kampani i save laik long apim komisin mani bilong ol.

"ANX i save sasim liklik mani long komisin. Dispela i lukim ANX i kamap wanpela gutpela ril estet ejen we ol manmeri i ken mekim bisnis wantaim," em i tok.

Planti ol manmeri i salim em na email adres bilong ol i kam long ANX.

"Mipela i putim dispela

nem long data beis bilong kampani. Ol manmeri husat i laik baim, salim o rentim haus i ken sekim wantaim mipela," Mista Levi i tok.

Em i tok planti taim ol ril estet kampani i save sasim bikpela mani tasol ANX i kam insait long kamapim kompetisen long propeti maket long PNG.

Edukesen Minista: No ken baim projek fi

Aja Potabe i raitim

GAVMAN i salim pinis K75 milien i go insait benk long baim ol skul fi bilong olgeta skul pikinini husat i skul long pablik skul, Edukesen Minista Nick Kuman i tok.

Dispela mani em bilong baim skul fi bilong ol skul pikinini long dispela yia, na Mista Kuman i toktok strong long ol papamama i no ken baim projek fi o ekstra mani.

Aninit long Tuisen Fi Fri (TFF) edukesen polisi bilong gavman, Mista Kuman i tok olgeta skul long PNG bai kisim subsidi mani bilong ol long neks wik.

Em i autim dispela toktok long Palamen long Trinde long dispela wik.

Mista Kuman i askim ol skul i no ken sasim ekstra mani long ol papamama bikos gavman bai baim skul fi bilong olgeta pikinini.

"Ol skul i no ken sasim ekstra fi. Mi les long harim nem bilong projek fi. Olgeta mani gavman i baim, na ol papamama i no ken westim mani gen long baim projek fi," Mista Kuman i tok.

Mista Kuman i givim strongpela tok lukaut long olgeta skul insait long kantri i no ken sasim kain kain ekstra skul fi nating nating long laik bilong ol yet.

"Sapos yupela i no kisim mani long taim, orait yupela i ken toktok long mi. Tasol mi bilip olsem olgeta skul bai kisim mani long taim.



Minista Nick Kuman.

"Gavman i salim K75 milien i go insait pinis long benk. Benk bai brukim dispela mani na givim i go long wan wan skul," Mista Kuman i tok.

Mista Kuman i tok enrolmen bai stat long neks wik na bihain long en olgeta skul insait long kantri bai stat.

O'Neill: TPP agrimen no karamapim PNG

Aja Potabe i raitim

PRAIM Minista Peter O'Neill i tok Trans Pasifik Patnasip (TPP) agrimen i no karamapim PNG na dispela bai no inap bagarapim tred na investmen bilong PNG.

Mista O'Neill i tok TPP agrimen i no karamapim PNG na sapos Amerika i laik rausim dispela agrimen, PNG bai no inap kisim taim bikos PNG em i no wanpela memba bilong dispel agrimen.

"Yes, mi save olsem Amerika i rausim TPP. Tasol dispel bai no inap bagarapim tred na investmen bilong PNG na Amerika," Mista O'Neill it ok.



PRAIM Minista Peter O'Neill

Em i mekim dispela toktok long Palamen long Tunde apinun taim em i laik bekim askim bilong Oposisen Lida, Don Polye.

Mista Polye i bin askim PRAIM Minista sapos em i save olsem nupela Presiden bilong Amerika, Donal Trump, i kenselim TPP program.

Tasol Mista O'Neill i tok PNG i stap gut na dispela bai no inap long bagarapim tred na investmen bilong PNG na Amerika.

"Saina, PNG, Australia na Amerika i stap long APEC. Tasol PNG na Saina i no stap insait long dispela TPP patnasip agrimen," Mista O'Neill it ok.

Em i tok dispela bai no inap long kamapim sampela kain no gut samting long tred na investmen namel long PNG na Amerika.

"Tred na investmen namel long tupela kantri bilong yumi, PNG na Amerika bai kamap yet," em i tok.

Tasol Mista Polye i tok PNG bai kisim bikpela bagarap taim Amerika i stop long mekim tred na investmen aninit long dispela agrimen.

"PNG em i wanpela liklik kantri insait long Pasifik.

Taim Presiden Trump i rausim dispela agrimen, bai yumi no gat sans long mekim tred na investmen wantaim Amerika," Mista Polye i

tok. Tasol Mista O'Neill i tok bailetarel tred na investmen namel long PNG na Amerika bai kamap yet na dispela ba no moa bagarapim bisnis na ikonomi bilong PNG.

"Amerika bai mekim bisnis wantaim PNG. Tred namel long PNG na Amerika bai kamap yet. I gat arapela ol agrimen tu i stap," Mista O'Neill i tok.

Em i tok APEC em i wanpela bikpela tred na investmen grup we PNG na Amerika wantaim i kamap memba bilong dispela na aninit long APEC, PNG i ken mekim tred na investmen wantaim Amerika.

Tupela nupela jas bilong Indipenden penel bilong Men ov Ona awods

Shirley Gar i raitim - UPNG Jenelism sumatin

TUPELA bik manmeri bilong Papua Niugini i wanbel long stap insait long independen panel olsem jas bilong Digicel PNG Faundesen 2016/2017 men ov ona awods.

Bod Siaman bilong Digicel PNG faundesen, Douveri Henao i bin tokaut long fraide 20 Janueri 2017, olsem Profesa Betty Lovai bai kamap jas bilong Allen Mahuru Posthumous Sevis Awod na Dadi Toka Jnr bai kamap jas bilong men ov Ona awods bilong ol yangpela man.

Dispela em tupela nupela awod we i bin kamap las yia tasol.

Dokta Lovai em UPNG eksekutiv Din, Skul bilong Humaniti na sosel saiens na i wanpela ed-voket bilong sosel jenda isisu husat i kamap Din long UPNG we i givim sevis na save go aut long gutpela bilong PNG.

Mista Toka Jnr em i yangpela bisnis man husat i gat gutpela save long edministresen na bisnis wok wantaim volantia wok bilong non-profit ogenaiesen.

Toka em Sif eksekutiv ofisa (CEO) bilong PNG Cancer faundesen we em i wok helpim insait long lokal komyuniti, spot, edukesen na sosel ogenaiesen. Dokta Lovai wantaim

mista Toka bai bung wantaim ol olupela jas; Cassandra Rangip (Community entrepreneur Award category), Dr Erik Kwa (Community Education Champion Award category), Sarah Haoda-Tod (Community leadership Award category), Jimmy Dre Kore (Community Ingenuity Award category) na Superintendent David Terry (Sporting Mentor Award category).

"I gat 94 nominesen we i kam long olgeta hap insait long kantri PNG, we i lukim olsem momases na sauten rijion i gat planti", mista Henao i tok.

Wanpela memba bilong Digicel faundesen, Pater John Glynn tu i tok, "Kantri PNG nidim gutpela nius.

Ol Jenelis mas strong long promotim gutpela nius bilong ol sempion man husat i wok strong long gutpela bilong dispela kantri".

Ol jas bai glasim 94 nominesen i go long 7-pela ketegri we bai ol i kolim nem bilong wina long Sarere 25 March 2017 insait long Pot Mosbi.

CEO bilong faundesen, Beatrice Mahuru, i tok tenkyu tu long ol man na ogenaiesen we i helpim long wok daunim vailens insait long kantri olsem: Atlas steel, Ela Motors, Hertz Leasemaster, Digicel media Ventures na Digicel PNG limited.

NBC/MCPNG holim namba wan Nesenel Pres Klap kibung

Frieda Sila Kana i raitim

MANDE 23 Janueri, 2017 i makim namba wan taim long histori bilong midia long Papua Niugini long Nesenel Brodkasting Korporensen (NBC) wantaim PNG Midia Kaunsil (MCPNG) i holim wanpela Pres Klap miting long Lamana Hotel, Pot Mosbi na PRAIM Minista Peter O'Neill i bin kamap namba wan spika.

NBC/MCPNG Nesenel Pres Klap miting long Mande em i namba wan bilong planti kain bung olsem we bai kamap nau long Papua Niugini bihainim kain pasin bilong ol narapela kantri olsem Australia we ol i gat Nesenel Pres Klap bilong Australia. Dispela Pres Klap em bai kamap olsem we bilong MCPNG i kamapim mani bilong em yet long ranim wok bilong en.

Dispela Pres Klap em hap bung we ol midia i save singautim ol bikpela man na meri bilong gavman, bisnis na komyuniti husat i gat bikpela stori baksait we ol pipel i mas save long en, na ol nius ripota bilong ol midia kampani i save askim ol kweston we ol i ting ol pipel bai laik save long en. Longpela taim



PRAIM Minista Peter O'Neill em i opim spika siris bilong NBC/MCPNG Nesenel Pres Klap long Laman Hotel. Foto: Helen So'on - NBC Sales rep.



Alexander Rheneey, Presiden bilong MCPNG em i Masta ov Seremoni.



Frieda Kana bilong Wantok Niuspepa i bin askim kwesten i go long PRAIM Minista long Tok Pisin we PRAIM Minista i bin bekim long Tok Pisin tu.



MCPNG i bin stap hait na i no soim pes olsem ambrela ogenaiesen bilong olgeta midia insait long kantri olsem na dispela NBC Pres Klap em bilong helpim MCPNG long kirap na mekim wok bilong karim maus na tingting bilong ol liklik pipel o sitisen bilong dispela kantri long askim ol bikpela kweston long ol lida we ol yet i no inap long askim.

Midia Developmen Inisetiv, wanpela ogenaiesen bilong Australia we i wok aninit long fanding bilong Australia Gavman, DFAT i givim stia na

tingting long we bilong NBC/MCPNG i kirapim dispela pres klap.

Dispela bung i bin stat wantaim wanpela hap de trening bilong ol jenelis o nius ripota na ol kamera man we i bin kamap long Lamana Hotel long las wik Fraide, 20 Janueri. Dispela trening em bilong lainim ol nius ripota long we bilong askim kwesten na long ol kamera man bilong NBC long we bilong kisim piksa bilong ol manmeri husat bai i toktok.

PRAIM Minista Peter O'Neill i bin tok em i amamas long kamap long dispela bung bi-

long Nesenel Pres Klap tasol em i tok moa olsem long dispela taim wok bilong midia i no kamap gut tumas long we bilong putim aut ol ripot.

Olsem na kain bung olsem we i bringim midia na komyuniti i kam bung wantaim em i gutpela tingting.

Midia Kaunsil PNG Presiden, Alexander Rheneey husat i bin stap olsem Masta ov Seremoni i tok amamas long PRAIM Minista Peter O'Neill long harim singaut bilong en long kamap long dispela namba wan bung bilong Nesenel Pres Klap. Ol midia

ejensi i bin amamas tu long salim ol nius ripota long go na askim kweston tasol taim i bin sot olsem na planti i no bin inap long askim ol kweston bilong ol.

Long mun bihain, Nesenel Pres Klap bai holim gen wankain bung na wanpela kain bikpela man olsem PRAIM Minista o Oposisen Lida bai stap olsem ges spika.

Lamana Hotel i bin helpim long givim komprens rum fri long trening bilong Fraide long wik i go pinis na tu long dispela wik Mande long taim bilong holim Nesenel Pres Klap.

Ol tisa i go bek long skul yia 2017

DIPATMEN bilong Edukesen i salim pinis wanpela pas i go aut long olgeta Provinsal na Distrik Edukesen opis, ol Prinsipel bilong ol skul sekenderi na hai skul, ol het tisa bilong elementri, ol Menesa, Provinsal Standet Stia Komiti na Edukesenel Institusen olsem de bilong ol tisa i mas statim skul bilong ol long dispela yia em Mande 23 Januери.

Insait long dispela pas, Seketeri bilong Edukesen, Dokta Uke Kombra, i tokaut long dispela na tu em i tok ol skul pikinini bai statim skul stret long Mande 30 Januери, 2017.

Em i tok, ol tisa i mas kamap soim pes long Het tisa o

Menesa long soim olsem ol i bin kisim posisen long dispela skul bihainim apoinmen bilong NEB o PeB. Ol tisa bai pulimapim Risamsen ov Duti (RODSS) na Tisa Rekot ov Apoinmen (TRoA). RODSS fom em i namba wan samting ol i mas mekim bikos em bai helpim tisa long kisim pe bilong en long yia 2017. Ol i mas pulimapim ol dispela fom gut na sainim nem.

Dokta Kombra i tok RODSS, TRoA Aplikesen ov Rejistresen long Emploimen (EDB020) i bin go aut pinis long ol Provinsal Edukesen Opis long Desemba 2016 bilong redi long 2017 ol tisa bai statim wok isi.

Na long de we ol sumatin bai statim ol lesen ol tisa i mas stap insait long wan wan klasrum long statim klas.

Long wankain taim tu Seketeri i mekim singaut i go long ol het ov institusen na ol gavaning bodi long ol i mas bihainim stret Sekula long abrusim ol kain kain hevi we inap long bagarapim stat bilong nupela skul yia.



Dokta Uke Kombra, Seketeri bilong Edukesen. Foto: Josiah Ururu Kana.

Pot Mosbi Jeneral Hausik i gat nupela CEO

DOKTA Umesh Gupta em i nupela Sif Eksekutiv opisa (CEO) bilong Pot Mosbi Jenerel Hausik(PMGH) we ol i bin makim long Desemba, 2016. Dokta Gupta em i bin senisim Grant Muddle. Gupta em Vascula sejen na eksekutive dairekta bilong klinikel sevis na em bilong Nu Delhi, India.

PMGH hausik bod i bin makim em las yia long Desemba 12 2016 wantaim tok orait bilong Dipatmen bilong pesenel menesmen na helt ministra Michael Malabag.

Gupta i tok em i bin kisim salens tru long stap aninit long Muddle inap tu na hap yia we ol i mekim planti senis wantaim tingting long kamapim gutpela klinikel sevis.

Em i tok em i gat sampela

plon long kamapim insait long dispela 3-pela yia kontrak.

“Baset bilong Pot Mosbi Jenerel Hausik em i kam daun long ol arapela yia, samting olsem helt ke masin, tasol mi lukim olsem dispela em sans long mekim daunbilo kos”, em i tok.


“Mipela laik givim sevis, niupela klinikel sevis olsem gastro marasin, niuroloji, kadioloji i ken helpim long sampla fanding o patnasip wantaim praivat helt ke.”

Em i stap wantaim klinikel sevis long 26 yia wantaim 16 yia insait long hausik menesmen.

Meri bilong Gupta em wanpela dokta bilong ol meri na em i wok long PMGH olsem senia medikol opisa.



Ol haussik bet long Pot Mosbi Jeneral Hospital. Nau i gat nupela CEO, bai i gat sampela gutpela senis bai kamap. Foto: Intanet



2017 Australia Awards Pacific Scholarships

Congratulations to the following individuals who have been offered a prestigious Australia Awards Pacific Scholarship to undertake studies at Institutions listed below in 2017.

Bachelor of Midwifery, Diploma of Nursing / Teacher Training & Certificate of Community Health Work

*** BACHELOR OF MIDWIFERY**

NOTE: Candidates with (P) beside their names have provisional offers. These candidates must contact the Australia Awards — PNG Office immediately to satisfy the conditions of their scholarship offers.

LUTHERAN SCHOOL OF NURSING	PACIFIC ADVENTIST UNIVERSITY	ST MARY'S SCHOOL OF NURSING	UNIVERSITY OF GOROKA	UNIVERSITY OF PAPUA NEW GUINEA
ALU Esther	BENSON Everlyn	BALUT Anna (P)	BOB Delilah	AWA Patricia (P)
DOBU Benadicta Sine	DUDLEY Marcia	EKAR Basilus (P)	GEM Heigy	BAKER Garia
ERINU Jacoberth (P)	KAMAN Lucy (P)	FUNMATKAK Felicitas (P)	HOWARD Regina	BREYA Apolonia
GUANDE Kiak	KOME Sam	JOHN Kubak (P)	IMMA Jenny (P)	BRUNO Helen (P)
KAKLEP Theresia (P)	LARE Serah	KASAU Rhonda	KIPALYA Penny	KAROS Elizabeth (P)
LABI Alekeo	LOPA Maureen Nennek	KESTAPUA Regina (P)	KWAUNE Gunane (P)	KEWA Ruben
MASFUAT Rudolf	NAWE Welyn	LAIA Arnolda (P)	MARA Merolyn	KONIGE Kukuone (P)
NAMIS Francisca (P)	PIDIK Jacklyne	NAMAKE Dacy (P)	NOGLAI Mary	MICHAEL Jennifer
SAUSONGU Esther (P)	SUMALA Rex	VARAOVI Joel	TAIPEN Ickony (P)	SINGIP Dianne (P)
TAMAGLE Clara	YUANGI Sussie		UPUKE Lois (P)	TAPASIA Wilhelmina
			YASI Regina (P)	

*** DIPLOMA OF NURSING**

ENGA COLLEGE OF NURSING	HIGHLANDS REGIONAL SCHOOL OF NURSING	LAE SCHOOL OF NURSING	ST BARNABAS SCHOOL OF NURSING	ST MARY'S SCHOOL OF NURSING
ELAKANE Mecklyn	GAIYER Melody	FAUME Norefa	ALEX Titus	DAVID Eunice
ISO Hapeck	LUMBI Rachel	GARAP Christabeth	ANTONIO Norah	HOLE Hilda
KOPYOTO Serinah	MALANDI Aloisia	HIRONGOPA Nehemiah	EMMANUEL Jordan	JOSHUA Joelyne
MANAI Raymond	MAMBA Desmah	KURI Delma	KALIMBA Shannon	KIKIPAI Rosemary
MATURA Fabian	MENIGA Morris	MANINGGAO Mazi	KONTS Saion	KOI Anita
MESIKO Joan	OPI Basil	MARTIN Sillie	MOUNI Issac	MICHAEL Maria
MOLONGA Michael	PEKARUI Naomi	MATHEW Tobias	PAUPAU Rupen	MONDO Vero
WILLIE Stallon	PETER Bethsiba	NALAU Baimo	RAY Bilson	OHU Noelyn
YAMBI Pakistan	PUPI Natasha	PETER Samantha	ROYA Seaton	POHU Paula
YASALING Benjamin	USOME Oria	TIROMRY Moliah	TOMAUSI Angeline	URAI Gerhaldish

*** DIPLOMA OF TEACHER TRAINING**

SACRED HEART TEACHERS COLLEGE
ABAU Linus
DEDI Petrollina
EDWARD Peter
GABAI Wesley
JOHN Paula
KEVIN Janet
MODOLA Felicia
MOSES Esther
PODOMO Paulon
SHAHOTO Eustella

*** CERTIFICATE OF COMMUNITY HEALTH WORK**

KAPUNA CHW TRAINING SCHOOL	KUMIN CHW TRAINING SCHOOL	LEMAKOT CHW TRAINING SCHOOL	RAIHU CHW TRAINING SCHOOL	RUMGINAE CHW TRAINING SCHOOL	ST GERARDS CHW TRAINING SCHOOL
AIAMUME Gariboi	AWAPE Sandy	CHILIH Nayiel	ABI George	ABEL Micheal	AITSI William
AKU Tamara	BLU David	JOHN Elie	KIOK Rudolphia	ALFRED Stephenie	BULDA Vicky
ANTHONY Judy	JOE Jeff	KOMBENG Pauline	MANIO Mirriam	ASIRI Elishiba	KEGO Dorothy
DULI Keturah	KOBO Ben	KUITU Angeline	REIMAU Ryan	GEORGE Leame	EBENEL Janet
HULAMA Jennifa	KOKE Isabella	MAINGE Elizabeth	SEIWA Dolores	GESEBA Inosh	GAIO Molly
KITU Eunice	KULANGIL Salome	MAKELE Mathew	SINGENI Danny	KABADI Saeya	HAILARIVILLA Andrietta
KIVA Mary	KINO Jessie	MARAK Belinda	WARENGLE Damaris	KAUWAYA Dawana	KARK Peter
MADUWA Paul	PANDETTA Steward	SIKOT Edward	WILIBERT Jessica	LIBE Dickson	MAU Gamata
MARIA Chocobeth	PAUL Sepline	TAL Danny	WOFLU Stallon	MAUKA Buwara	NAMEBA Rodney
TITAMO Jecinta	YAPA Sampson	TOGAI James	YOWEI Melchior	SAGARA Siwi	PETER Rock

Important Information

NEXT STEPS

The above students are advised to contact the Australia Awards — PNG Office before 27 January, 2017 to confirm:

- Your offer (by signing and returning a copy of your Scholarship Contract and completed Personal Details Form);
- Current contact details; and
- Postal addresses for the receipt of mail.

IMPORTANT: The Scholarship will not be awarded unless above steps have been completed.

Scholarship Conditions:
The conditions of your scholarships are set out in your Scholarships Contract. The Australia Awards — PNG Office will provide advice on the details of the scholarship conditions.

Travel Arrangements:
Travel to institutions will be made once the Scholarships Contract has been signed.

Enrolment, Registration and Tuition Fees:
Enrolment, registration and tuition fees will be paid once the Scholarships Contract has been signed.

MORE INFORMATION

Postal address: Australia Awards Pacific Scholarships
Australia Awards — PNG
Private Mail Bag
National Capital District, PNG
Ground Floor, Port Tower
Hunter Street, Port Moresby

Phone: 7014 1974 (call or SMS)
Fax: 321 1828
Email: incountry@australiaawardspng.org
Website: www.australiaawards.org.pg

ELC-PNG pasto i mekim wok politik bai kisim mekimsave

Joyce Huanjo bilong Lutheran Communications Centre i raitim

EVANJELIKEL LUTERAN SIOS bilong Papua Niugini i sanap strong long tokaut klia long ol pasto olsem, sios inap givim mekim save long ol pasto husat i stap insait long wok politik.

Insait long wanpela miting namel long ol pasto bilong ELC-PNG het opis insait long Lae, Reveren Elymas Bakung, Seketeri bilong Ivanjelisim Dipatmen, husat i go pas tu long opis bilong ol pasto i tok, sios i laik tokaut klia long dispela, long wanem, kantri i wok redi long go insait long Nesenol ileksen long 2017.

Reveren Elymas Bakung i tokaut olsem, opis bilong em bai i givim mekim save long ol pasto sapos em i painim aut olsem ol i stap insait long wok politik.

Reveren Bakung i salensim ol pasto long sanap ol yet na mekim wok bilong karim aut wok Gutnius na tokim ol pipel long Tok bilong God.

Em i tok moa olsem, kantri i go insait long kain taim we planti tok pait i wok long kamap, na ol pasto i mas sanap strong long bilip bilong ol long Gospel.

Reveren Bakung i tok, wok bilong ol pasto em long givim ol stia tok long ol pipol, long ol i ken makim ol gutpela lida husat bai makim ol long Nesenol Palamen.

Reveren Bakung i bin mekim ol dispela tok long sapotim tok-tok bilong ELC-PNG Het Bisop, Reveren Jack Urame, long ol politisen i no ken yusim pulpiti long karim aut awenes bilong ol long wok politik.

Het Bisop Jack Urame, i bin mekim dispela toktok long wanpela ripot long niuspepa sampela taim i go pinis.

Reveren Bakung i sanap strong antap long toktok bilong het bisop na tok, ol politisen i no ken tru yusim ol pulpiti bilong Lutheran Sios long strongim wok politik bilong ol insait long kantri.

Em i salensim ol politisen husat i wok long karim aut awenes bilong ol long skelim gut laip bilong ol yet, sapos ol i honen wantaim wok bilong ol long ai bilong God.

Em i tok olsem, dispela i no min olsem ol pasto i stretpela man long ai bilong God, tasol sapos ol politisen i laik kisim ples bilong ol pasto na autim Tok bilong God long pulpiti nau em ol i kamapim asua.

Reveren Bakung i tok, em bai moa gutpela sapos ol politisen i yusim gren sten ausait long haus lotu long wokim kempen bilong ol long ol pipol.

Em i tok klia olsem, pulpiti em i ples bilong ol wokman bilong God na ol i mas save gut

olsem, wok bilong haus palamen em i narakain olgeta long wok bilong haus lotu.

Em i tok, dispela olgeta tok-tok i soim olsem Sios i laikim ol politisen i mas stap longwe long pulpiti.

Long dispela taim tu, Presiden bilong ELC-PNG Yabem Distrik Reveren Yasam Aiwarra i tok, i gat luksave i stap olsem ol politikol lida ol i stap olsem komyuniti lida, husat i wok long maketim toktok bilong ol long ol pipel i ken makim ol.

Rev. Aiwarra i tok, ol pasto i mas sanap ol yet na ol sapota inap lukim olsem maski ol i sapotim kain kain pati, ol i stap tasol aninit long wanpela kongregesen bilong pasto.

Em i tok klia olsem ol pasto i ken helpim long prea insait long ol dispela bung, tasol ol i no ken kisim mani long han bilong ol politisen, long wanem, ol i mas stap ol yet olsem wokman bilong God long autim Gutnius long ol pipel.



Pater Pedro Baquero, SDB, nupela bisop bilong Kerema Daiosis, Galp Provins.

Baquero, nupela bisop bilong Kerema

POP Francis i makim Pater Pedro Baquero, SDB, olsem nupela bisop bilong Kerema Daiosis, Galp Provins.

Em bai kamap bisop bihain long Kerema Daiosis i no bin gat bisop inap long 4-pela yia.

Long Epril, ol bisop bai putim wel na han antap long em long kamap bisop.

Mama i bin karim Baquero long Manila, Filipines long 1970.

Em i bin mekim namba wan tok promis bilong em long Granada long Epril, 1990.

Em i bin mekim laspela promis bilong em long Mas, 1998 na i kamap pater long 1999 long Paranaque, Filipins, bihain long em i pinisim skul bilong em long filosofi (philosophy) na tioloji (theology) long Canlubang na Paranaque (FIN).

Em i bin statim trening bilong em long Papua Niugini (Gabutu – Pot Mosbi na Araimiri – Galp) na bihain long dispela, em i bin go long Rom na kisim skul bilong wok misinari.

Bihain long em i kam bek long PNG long 2000 em i stap planti taim (10-pela yia), em i save traimit long bihainim ol tok promis em i bin mekim.

Em i bin wok na stap long Araimiri na Lariau long Kerema Daiosis.

Bihain long dispela em i kam bek long Gabutu, Pot Mosbi na long 2014 ol i makim em olsem Supiria bilong ol Salesian long Papua Niugini na Solomon Ailan.

Long las 16-pela yia em i bin mekim ol wok olsem peris pris, prinsipal bilong Sekendari Skul, Ikonoma, Rekta na Deleget Kaunsil bilong Yut Ministri.

Long 2016 em i stap Rekta long Salesian Kongregesen.

Pater Baquero i save long tokples Filipino, Inglis na Tok Pisin.

Roche: Papamama mas lainim gut pikinini

Paul Zuvani i raitim

I GAT planti as long ol raskol pasin i kamap long komyuniti na kantri, Pater Victor Roche, SVD, Seketari Jeneral bilong Katolik Bisop Konferens (CBC) bilong Papua Niugini na Solomon Ailan i tok.

Em i tok wanpela bilong dispela em as bilong famili, i no sindaun gut, papamama i no skulim pikinini gut na pikinini i no harim tok bilong papamama.

Em i tok sapos famili i stap gut, bihainim gutpela na Kristen pasin, dispela bai helpim long nogat planti raskol pasin long kamap long komyuniti.

Em i mekim dispela tok bihain long ol raskal man i bung, holim pasim em long Gordons Maket, Pot Mosbi na kisim ol samting long han bilong em long tupela wik Sarere i go pinis.



Ol pikinini i kukim salim samting long rot long ol turis i baim na givim ol mani. Poto: Paul Zuvani

Em i tok sampela papamama i tok ol bai larim long ol skul tasol bai lainim ol pikinini long rot bilong stap.

Tasol em tok dispela i no wok bilong ol skul long mekim olsem. Em wok bilong papamama long skulim gut pikinini bilong ol.

“Sapos famili gat gutpela morel na bilip pasin, dispela bai helpim long daunim raskol pasin,” Pater Victor i tok.

“Ol pikinini i harim tok na bihainim lo bilong gavman na Kristen tu.

“Yu save kain pasin (bikos long gutpela famili skul) inap kamap long Japan o Singapore.

“Taim yu wokabaut long ol strit long dispela ol hap, nogat wanpela samting bai kamap long yu na yu no inap long tingting planti.

“Sapos kain olsem bilong wanem ol strit long Mosbi i no

seif long wokabaut?

“Yu save dispela i go bek long ol papamama.

“Planti ol papamama i bruk marit na pikinini i stap bilong em yet.

“Dispela i mekim pikinini i no gro wantaim gutpela skul na i kamapim hevi.”

Long dispela as em i askim ol sios long ol i mas givim ol gutpela bilip toktok long ol famili bai papamama i mas stap strong na skulim gut ol pikinini.

Skul tok bilong pikinini i mas stap long strong bilong ol yet.

“Mi amamas long lukim ol yangpela i salim ol samting olsem pinat, billum o samting ol i mekim na salim long maket o long strit.

“Dispela em gutpela ol i mekim samting long sapotim ol yet.

“Wanpela i no ken mekim raskol pasin long sapotim em yet, nogat,” em i tok.

Pop Francis tok lukaut long gavman polisi

POP Francis long dispela wik i givim tok lukaut long ol politisen long no ken mekim ol disisen we bihain bai lukim ol i kisim olgeta pawa.

Em i tok sampela taim ol politisen i tok ol makim laik bilong grup ol i makim long ol tasol bihain kisim olgeta nem na pawa.

Em i tok kain samting em Adolf Hitler bilong Jemani i mekim long 1930s na 1940s.

Pop Francis i mekim dispela tok long taim nupela presiden bilong Amerika Donald Trump i tok em i makim laik bilong ol Amerika na olsem em bai i no laik bai ol ausait lain olsem imigren, i go kam, wok na stap long Amerika.

Em i bin toktok wantaim ripota bilong Spain niuspea El Pais.

Em i tok nogat long sanapim bilong ol banis na bab waia long boda bilong

Amerika na Meksiko long pasim ol imagren i no ken go insait long Amerika.

Tasol em i tok em no inap hariap long skelim nupela Amerika lida we em i tok, “mipela bai wet na lukluk pastaim long wanem samting Trump bai mekim.”

Bipo long Trump i kamap presiden na long taim bilong em long kempein em i bin toktok strong long sanapim wanpela banis long pasim ol imagren long

ol i no ken go insait long Amerika.

Askim long sapos ol i wari long kamap bilong patriotisim o nesinism long Yurop na Amerika, Pop it ok: “Ol hevi i save kamapim pret na tingting planti. Long tingting bilong mi, wanpela bikpela samting i kamap long Yurop em long Jemani long 1933.

“Jemani i bruk, em i mas kirap gen, em i mas luksave long em i husat, i lida na i

gat sampela manmeri husat inap long bringim bek luksave em i gat long em yet na long dispela taim wanpela yangpela man i kamap Adolf Hitler husat i tok: “Mi inap, mi inap.”

“Olgeta Jemani i votim Hitler. Hitler i no stilim pawa, ol manmeri i votim em na bihain em i bagarapim ol manmeri.

Long Trump em bai “wet na lukluk pastaim.”



Pop Francis i mekim lotu long Rom, Itali. Poto: Internet

Atoriti mas sekim gut kar, balus na sip



I LUK olsem planti ol kar, balus na sip nogut long kantri nau i wok long ran i go kam long ol rot, klaut, solwara na wara bilong yumi.

Dispela long wanem, yumi i lukim na harim planti stori na hevi ol dispela kar, balus na sip i kamapim.

Tasol i no long ol kar, balus na sip tasol, moa long ol draiva, pailot na kepten tu bilong dispela ol masin.

Yumi i laik save ol atoriti olsem Trensport Depatmen, Moto Viket Insurens Limited (MVIL), Sivil Eviesen Dipatmen na atoriti bilong em na polis i mekim wok bilong ol na mekim gut o nogat?

Sapos ol i mekim na mekim gut, olsem wanem na mipela i wok long harim planti stori nogut bilong ol kar, balus na sip long ol hevi ol i kamapim?

Long las wik yet mipela i ritim long pepa, harim long redio na lukim long televisen tupela stori nogut bilong ol kar. Long Oro provins 13-pela manmeri i lusim laip na ol arapela i kisim bagarap taim wanpela bikpela kar bilong Higaturu Wel pam kampani i bam wantaim wanpela PMV bilong dispela ples.

Long Konedobu, Mosbi wanpela bikpela kar we brek bilong em i lus na em i ron i go na bamim wanpela teksi we dispela i lukim sampela laip i lus.

Mipela i tok dispela ol lain manmeri i nogat tingting long lusim laip bilong ol tasol i lusim nating bikos i gat asua long ol kar o draiva bilong kar.

Long 2012 mipela i harim wanpela balus bilong PNG Air i pundaun long bus bilong Madang na kilim klostu olgeta manmeri i stap insait long dispela balus.

Planti bilong dispela ol lain manmeri em ol sumatin bilong Divain Wod Yunivesiti na papamama bilong ol greduet sumatin husat i go long lukim greduesen.

Long 2013 mipela i harim wanpela sip, Rabaul Kwin, i kapsait namel long solwara bilong Morobe na Wes Nu Briten. Long dispela bagarap planti laip i lus tu.

Dispela em ol hevi we i kamap long nius tasol planti moa ol arapela i kamap na i nogat ripot long pablik, dispela mipela i no save.

Long dispela as mipela i bihainim askim na wari ol famili na poroman bilong dispela ol lain manmeri i dai olsem atoriti i mas mekim gut wok bilong em.

Ol opisa i mas sekim gut ol draiva pailot, kepten sapos ol i gat trupela laisens, i no sik o spak taim ol i ron.

Moa yet ol i mas sekim ol kar, balus na sip long ensin, taia, propela na wing bilong ol na hamas pasindia o kago ol i karim na i karim long mak stret.

Planti ol hevi na birua i kamap bikos ol opisa bilong trenspot dipatmen na polis i no mekim gut wok.

O sapos ol i wok na painim kain asua ol larim tasol i go bikos dispela ol lain i baim ol o ol draiva, pailot na kepten i wantok bilong ol.

Ating em i taim nau na i gutpela long mipela i harim nius long Minista bilong Trensport Malakai Tabar i tokaut long dispela wik olsem em bai wok wantaim ol opisa long Dipatmen bilong em long painim rot long daunim dispela kain hevi.

Ol kar we i no gutpela na i luk nogut i mas noken ron long rot.

Mipela i askim tu wan Minista bilong Tabar long Sivil Eviesen Steven Davies olsem em tu i mas askim ol pisa bilong em long sekim gut ol pailot na balus, moa long ol ted level eialain, long stap na ron bilong ol.

Manmeri long Papua Niugini i no ken dai nating bikos opisa i no mekim wok gut.

Givim pikinini long God

GIVIM pikinini i go long God long em bai kisim gutpela save.

Skul o akedemik yia bilong 2017 bai stat long narapela wik we milien pikinini bai go long skul.

Bipo long ol pikinini i go, em i gutpela long ol papamama i givim pikinini i go long God bai spirit bilong Bikpela i ken skulim, staim na givim gutpela save long em long taim em i lain.

Em i gutpela sapos long tude nau yu ritim dispela tok yet o sapos em i dispela Sande, yu na pikinini bilong yu mas go lotu na askim pater, pasto o diken i pre na blesim pikinini bilong yu.

Em tingting we Skelim Tingting i laik givim long papamama long dispela taim.

Manmeri mas save i save kam long Bikpela. Em i no save kamap nating.

Long buk Baibel mipela i



ritim long buk Saveman (Prov 1: 7) we i tok "Long gat save, namba wan samting yu mas gat em rispek o givim luksave long God." Dispela i ki bilong kisim save.

Long dispela sapos ol papamama i laikim pikinini bilong ol na tu ol yet i laik kisim save ol i mas mekim olsem.

Long (1 King 3: 5, 9) God i askim Solomon olsem nau em i kamap king, em i laikim wanem samting God i mas givim long em? King Solomon i bekim na tok Bikpela i mas givim em save bai em i ken save wanem samting i gutpela na wanem samting i

nogut na em inap long lukautim gut ol pipel bilong em.

Na tru tumas God i givim em save we nogat wanpela man long taim bilong em i gat (1 King 4: 29-30).

Yes em i gutpela long papamama i mekim olsem.

Taim papamama i gat gutpela tingting na i stap gut tupela i laik famili i stap gut tu na bai mekim olsem.

I gat sampela ol arapela gutpela skul tok i stap long Efesus 5: 22-33 we i tok long ol papamama i mas mekim long wanpela na narapela bipo long ol i ken skulim gut ol pikinini.

Namba wan tok i tok long mama i mas harim tok bilong papa olsem "Jisas i harim tok bilong Bikpela Papa o long sios i bihainim skul bilong Jisas. Dispela i olsem Jisas i het na sios i bodi bilong em na olsem sios i mas bihainim skul na tok bilong em."

Na long ol papa Aposel Paul i tok ol papa i mas soim laik bilong ol long ol mama wankain olsem "Krais i soim laik bilong em long sios (pipel) na i kisim pen na dai long sevim ol. Ol i mas laikim meri bilong ol olsem ol i laikim ol yet."

"Ol papa yupela i no ken mekim ol pikinini i belhat tasol i mas kamapim na skulim ol long tok bilong Bikpela."

Taim kain laikim i stap long papamama ol bai inap soim dispela laik long ol pikinini tu.

Na ol pikinini i mas bekim dispela laik tu i go long papamama long stap gut.

Efesus 6: 1-9 i tok, "Onaim papa na mama bilong yu- na olsem yu ken kamap na stap long laip."

Plis givim pikinini bilong yu i go long pater, pasto o diken long em i pre na blesim em bipo long em i go long skul.

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500
Fax: (675) 325 2579

Email: editorial@wantokniuspepa.com

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Sid bilong nupela Sios gro yet wantaim pikinini man

.....long kamapim nupela sios bilding

James G. Kila i raitim

OLGETA Kristen Sios i gat wok long tokaut na bringim Tok bilong Kingdom bilong Papa God long graun.

Dispela em wanpela strongpela salens senia pasto na siaman bilong Foa Skwea Sios long Bogia distrik, Joe Wakames i mekim long Sande, Januəri 15, 2017 long naispela nambis bilong Karkum namba wan viles.

Em i bin mekim dispela naispela toktok long taim bilong opim namba wan haus kapa haus lotu sios bilding bilong Foa Skwea Sios long Karkum namba wan viles long Sumgilbar LLG long Not Kos Rot (NCR) long Sumkar Distrik, Madang.

Opim bilong sispela haus kapa haus lotu sios o long Januəri 15 gutpela stori bilong ol Kristen bilipman meri bilong Foa Skwea Sios long Karkum viles, Sumkar Distrik, Madang provins na Papua Niugini, bikos long yia 1982 Foa Skwea Sios em namba wan pentekostal sios long go krungutim Karkum komyuniti we planti Kristen bilipman meri i stap pas strong tru wantaim Katolik Sios.

Planti ol Kristen manmeri bilong Karkum na ol sista sios bilong Foa Skwea Sios stat olsem long Banap i go long Dibor na Murukanam na ples klostu olsem Sarang, Mirap na Dylup i bin kamap long dispela sios opening seremoni.

Dispela nupela Karkum Foa Skwea Sios i stap long naispela eria tru arere stret long hap ol i kolim Tatelwap, na em i stap arere long nambis na wara i go daun na tupela poin bilong Haranap long Karkum na Mirap poin i silip long sait sait na tu Karkar Ailan i stap ausait long solwara.

God yet i givim naispela eria long dispela haus lotu i sanap na biknem i go long em.

Nesenel Memba bilong Usino-Bundi, Anton Yagama wantaim meri bilong em na ol arapela lida bilong Madang husat i save lotu long Foa Skwea Sios olsem pastaim nesanel gavman seketeri na pastaim edministreta bilong Madang, Clant Alok, siaman bilong Madang Kristen Akademi, Alois Jally na senia pasto bilong Bogia distrik, Joe Wakames i bin stap long opim bilong nupela haus lotu long opim.



Fran bilong Karkum Four Square Church long not kos rot, Madang.



Dedikesin bilong sios.



Man husat i go pas long kirapim nupela sios bilding, Collins Yapen (Iephan) wantaim Pasto Enock na tupela sios wokman.



Ol pikinini i bringim ol lida i go long opim sios.



Ol Karkum sios ben i pilai.

Pasto Joe Wakames i go pas long mekim beten long mekim dedikesin bilong nupela sios bilding long Karkum viles.

Dispela nupela sios bilong em wanpela strongpela Kristen bilipman na tu yangpela bisnisman, Collins Yapen i bin putim mani long kirapim long strongim Foa Skwea

Sios wok long Karkum namba wan viles.

Collins i groim sid papamama bilong em i planim bikos tupela i bin go pas olsem lidaman na meri long bringim sios long Sarang i go long Karkum. Mista Yapen i bin bihainim meri bilong em i go lotu long Sarang, bikos meri bilong em

i go long askim bilong susa bilong em Mulung wantaim man bilong em Alphonse Taweg long bringim Foa Skwea Sios long eria bilong ol long Kibed.

Dispela nupela sios bilding em spesel tru bikos em soim sid i gro i go bikpela na yangpela pikinini man Collins Yapen i skruim yet

wok em papamama i planim pinis.

Collins i tokaut long stat bilong opening seremoni olsem kos bilong wokim kamap dispela sios bilding em moa long K29,000 na em yet i wokim isi isi long taim bilong em yet i go i go na wok i pinis na dispela i kisim olsem foapela yia.

Bikpela brata bilong Collins, Larry Yapen i bin stori long histori bilong Foa Skwea Sios long namba wan taim tru i bin go insait long Karkum viles wantaim. Em i tokaut olsem long dispela taim em i no bin isi. Ol i bungim planti pen na hevi, toktok kros na tu birua tu i bin stap.

Pasto Larry i stori tu long wanpela nait tupela misinari, Dokter Graham Baker na meri bilong em i bin go long Karkum long soim projekta muvi. Long dispela taim wanpela viles lidaman husat i bin pait long Wol Woa 2 bipo, i kros na karim bus-naip na go stret na katim tebol wantaim projekta na rausim ol lain misinari.

Maski dispela ol birua i wok long kamap, bilip na sid i wok long gro. Ol lain pikinini bilong Yapen i go het long strongim na skruim wok bilong Foa Skwea Sios. Ol i save mekim lotu long ol liklik haus morota na sel haus na sampela taim aninit long ol diwai long nambis long liptimapim nem bilong Papa God.

Pastor Larry i tok olsem planti ol lidaman insait long komyuniti i no bin wanbel long nupela misin i go insait long komyuniti. Tasol tude, bihain long planti yia nau, ol pipel long komyuniti i senisim tingting na pasin bilong wanbel long lotu i go orait.

Bipo long seremoni long Januəri 15, ol komyuniti na ol memba bilong Katolik Sios long Karkum i bin bungim liklik kaikai na givim long ol lain bilong Foa Skwea Sios long amamasim dispela spesel de.

Pasto Wakames i givim planti naispela toktok long kirapim bel na tingting bilong ol manmeri long Karkum long bihainim gutpela na stretpela tok we em tru. Dispela ol stretpela na trupela tok i ken helpim Kingdom bilong Papa God.

Pastaim nesanel gavman seketeri na pastaim edministreta bilong Madang, Clant Alok, i givim salens olsem ol Kristen Sios i no ken tingting tasol long autim toktok bilong spirit nid bilong ol pipel, ol i gat wok long senisim na stre-tim nid bilong ol pipel long bodi tu wantaim.

Trump i statim wok presiden long pasin sapatim ol giaman toktok

DONALD Trump i statim namba wan wik olsem presiden bilong Amerika wantaim tingting bilong tok pait, bihain long planti milien manmeri long Amerika i protes mas long strit long kain wei em i kamap presiden, samting ol manmeri i sutim tok long Washington long em i no sem long mekim.



Nupela President bilong USA o Amerika, Donald Trump.

Wantaim wari bikos long bikpela protes mas i kamap we i wankain long mas i kamap long taim bilong Vietnam woa, Trump wantaim tim ol sapota bilong em i yusim namba wan wiken bilong em long opis wantaim toktok olsem namba bilong ol lain manmeri husat i kamap long lukim seremoni bilong em long kamap presiden long las Fraide i winim namba bilong ol lain manmeri husat i protes mas agensim ileksen bilong em. Pres sekretari bilong Trump, Sean Spicer, i yusim namba wan White Haus nius konprensi bilong em long singaut antap long ol jenelis o ripota na tokaut long ripot bilong ol olsem ripot bilong ol i no stret na i no tok tru olsem na "Mipela bai lukim ol media oganaisesen i mas

Tasol dispela tok tu ol media i no laik long harim.

Toktok bilong ol i kamap bihain long 2.6 milien manmeri long ol siti bilong Amerika i protes agens long pasin na tingting bilong Trump long ol meri.

Dispela em bikos Trump i so op na tok em i save holim meri long ol hap we ol man i no ken holim long em.

Moa long wan (1) milien manmeri i protes mas long ol strit bilong Washington, kapitel bilong siti bilong Amerika.

Planti arapela tausent manmeri i protes mas long ol siti olsem Niu Yok, Los Angeles, Chicago, Boston na kapitel siti bilong ol arapela kantri olsem London long Ingran.

Bungim dispela ol namba, dispela i winim namba bilong ol manmeri husat i kamap na lukim presiden seremoni bilong Trump.

Tasol Trump yet i no wari long ol protes mas i kamap.

"Mi lukim ol protes mas aste tasol mi laik tok olsem mipela i no longtaim i bin holim ileksen. Bilong wanem na dispela ol lain manmeri i no laik long vot?" Trump i rait long Twita.

was gut long wok bilong ol."

"Dispela i bikpela namba bilong ol manmeri husat i kamap bilong lukim seremoni bilong Trump long kamap presiden," Spice i tok.

Tasol dispela toktok bilong em i abrusim mak ol piksa na ol manmeri husat i save kaunim namba bilong ol manmeri i tok long em.

"Dispela ol pasin bilong daunim nem bilong Trump i sem na i asua," Spicer i tok het long tok.

Kellyanne Conway, wanpela sinia White Haus wokman i tok ABC long niusrum bilong ol media long las Sande olsem Spicer i traim long kamapim ol toktok arere long wanem ol ripot i kamap pinis.

Tausen mas agens long tingting bilong gavman long lusim Romania kalabus man

PLANTI tausent manmeri i protes mas long kapitel bilong Romania long gavman i laik lusim nating go fri sampela kalabus man husat ol manmeri i ting i mekim bikpela asua.

Dispela ol kalabus man em ol manmeri i save i mekim ol bikpela asua.

Moa long 10,000 protesta i bung long Sande long Yuni- vesiti Skuea long Buchares, na bihain brukim banis bilong ol polis bipo ol i go long hetkwata bilong gavman.

Planti tausent manmeri i protes mas tu long ol arapela siti bilong kantri olsem Cluj na lasi.

Ol lapun i kamap long dispela protest u we sampela i karim ol pikinini long solda wantaim.

Ol protesta i singaut long Sosel Demokratik pati olsem "red pleg."

Long Buchares, ol protesta i singaut, "Mipela i laikim demokrasi, wantaim naip i stap long haus kalabus.

Ol protesta i amamas na singaut taim ol i lukim presiden Klaus Iohannis, wanpela lidaman husat i save tok agens long polisi bilong



Wanpela protesta i mas agensim plen bilong gavman long givim tok orait long ol Romania kalabus man.

gavman i kamap long bung bilong ol.

Iohannis i tok: "Grup bilong ol politik man husat i gat hevi wantaim lo i laik senisim mama lo na mekim lo i slek ... ol Romania manmeri bai pait bek."

Praim Minista Sorin Grindeanu i laik kamap tok orait long pogivim ol kalabus man we em i tok bai daunim hevi bilong haus kalabus i pulap.

Tasol ol protesta i tok kain pasin bai lukim gavman i laik pas long tok orait long kamap bilong ol pasin nogut.

Ol i tok sapos manmeri i asua long brukim lo orait em i mas kisim mekim save stret na inap ol taim we em i mas

kisim long em.

I no gutpela long lusim nating man i brukim lo bikos dispela bai mekim em na sosaiti i ting em i orait long mekim asua, brukim lo na stap fri.

Ol i tok sapos Grindeanu i laik mekim dispela tok orait polisi orait i gutpela long gavman i tok pait long em long palamen pastaim.

Donald Simioniu, wanpela dairetka bilong art i tok em i bilip kain tingting i haitim ol arapela samting tu.

Long dispela em i tok kain pasin bai mekim Liviu Dragnea, Sosel Demokratik pati we i stap long gavman long em i kisim sampela kain sapat long em.

Bai mi lukluk na glasim pastaim na givim tingting bilong mi

POPE Francis i tok em i no nap givim tingting bilong em long nupela presiden bilong Amerika, Donald Trump, inap em i lukim ol polisi bilong em na rot em bai go hetim ol.

Pope Francis i bin tok strong long en olsem taim em i stap presiden, i moabeta long bihainim stia long gutpela pasin na mekim gut long ol tarangu na ol lain we i no ples bilong stap long en.

"Mi ting olsem i moabeta yumi we na lukim. Mi no laik sasim man hariap," Pope i tokim wanpela niuspela bilong Spain.

"Bai yumi lukim ol samtign em i mekim, na mi givim tingting bilong mi. Tasol long prèt o amamas hariap olsem samting bai kamap i no gutpela. Em bai olsem ol profet i tok lukaut long bikpela samting nogut bai kamap," Pope Francis i tok.

Pope Francis i bin tok



Pope Francis: "Bai mi lukluk na glasim pastaim na givim tingting bilong mi."

lukaut long ol kantri long Yurop long noken mekim wankain mistek olsem dispela long 1930's na i bin kamapim Wol Wo 1.

"Pope Francis i tok kraisasi i save kamapim pretpasin na eksampel long Yurop na moa yet, long kantri Gemeni long yia 1933 we taim ol i ting disisen ol i wokim i makim maus bilong pipel. Long dispela taim, Gemeni i bin stap long hevi na ol i wok

long painim aidentiti bilong ol inap wanpela lida i gat ol strongpela na nupela tingting i kamap. Dispela lida ya i bin promis long givim beka aidentiti bilong ol, tasol em i kamapim Wol Wo 1.

"Long taim bilong kraisasi, yumi no save gat gutpela sasmen na mi oltaim tingting dispela olsem stia bilong mi. Olsem na mi tok, toktok namel long yupela yet," Pope Francis i tok.

Tu (2) milien protes mas agensim kamap bilong Trump olsem presiden

STRONGPELA tingting i luk olsem i kamap namel long ol lain husat i go agens long kamap bilong Trump olsem presiden.

Dispela long wanem inap long moa long tu (2) milien manmeri i protes mas long ol siti long Amerika na bik siti bilong ol narapel kantri.

Kain protes em planti i lukim olsem em i kamap bilong nupela politikel grup.

Wantaim strong tasol wantaim bel isi pasin, moa long wan (1) manmeri i protes mas long ol strit bilong Washington DC yet.

Dispela i winim 60,000 manmeri husat i protes mas agens long Richard Nixon long kamap long Vietnam woa long 1973.

"Welkam long namba wan de bilong yu, mipela bai i no inap long go!" ol meri i singaut long wanwan ol hap bilong White Haus.

Moa long 600 wankain ol protes mas i kamap long ol arapela siti long Amerika na long wol. Inap olsem 250,000 manmeri i kamap long Chicago na 100,000 i kamap long Los Angeles na Boston na 400,000 i kamap long Niu Yok we ol i protes lukluk na lusim wanpela haus ol i kolim Trump Tower.

Wankain namba na inap olsem 100,000 manmeri i bung na protes mas tu long



Ol protes manmeri long Pennsylvania Avenue, toktok i go long ol manmeri long White House, long ol i holim protes mas long Washington.

London long Ingran, Australia, Nu Silan, Jemani, Frans, Hangeri, Switjelen, Sek (Czech) Ripablik na Kanada.

Ol oganaisa bilong protes mas long Washington i tok as tingting bilong ol protes em long tokaut olsem "mipela i lukluk long ol ilek- ted lida long ol i mas was long rait bilong meri, famili na komyuniti".

Tasol ol i kirap nogut long luk olsem dispela singaut bilong ol em ol arapela manmeri long ol siti bilong Amerika na wol tu i kisim na sapatim dispela toktok bilong ol.

Ol plakad ausait long embasi bilong Amerika long Ingran i tok: "Daunim Trump", "Rausim pasin belhat, kisim bek as tingting bilong wok politik," na "Tok nogat long ol lukdaun pasin agensim skin kala bilong narapela, noken larim

Trump i stap".

Long Berlin, Jemani we i tok orait long ol refuji bilong Syria i rait na tok, "No ken les nating long narapela, noken pret, welkam long ol imaignen long hia."

"Trump i tokaut long pasin nogut i stap long mak bilong pasin bilong ol man, mi save long as bilong nem bilong Trump i stap long protes mas na mipela i amamas long mas aninit long dispela tok," Carson McColl long London i tok taim em i protes mas wantaim ol arapela.

Ol toktok long dispela mas i gat ol toktok Trump i bin mekim pastaim long 2006 olsem, "Mi save holim krangki ol naispela meri."

Long Frans inap olsem 7000 manmeri i bung aninit long Eiffel Tower na holim ol bona we i tok, "Fridom, ikwaliti, givim luksave long ol meri."

Toro



Biabia



Kanage



Mi ting olsem...

Autim Tingting

Teks... Teks... Teks...

Teks i kam long **71845906**

Mi bikipela wari long kantri bilong PNG, mi tok olsem bikos, gavman I save tok olsem PNG I orait tasol. Praim minista bilong dispela kantri Hon. Peter O'Neill I save go sekim ol ples nabaut o haus sik o helt senta na arapela hap bilong dispela kantri bipo em I mekim toktok bilong em tu o no gat?! Planti manmeri I save go long haus sik na dai, ol I no kisim tritmen hariap na turangu ol I save lusim laip bilong ol. Marasin tu long haus sik I sot, long haus sik bilong ol bel mama tu I nogat marasin bilong helpim blut so ol mama I mas I go painim blut marasin long ol Pamasii. Planti maket long olgeta hap bilong Pot Mosbi siti, em siti em I no hap setelmen bilong yu na yu mekim haus long laik bilong yu. Yu laik wokim haus, baim graun long Lens Dipatmen. Prais bilong ol samting tu I go antap, takis tu I go antap. Rot, yumi I gat nupela ol rot na han rot nau I kamap, sampela I pinis, sampela I no yet we I gutpela tasol ol setelmen haus I stap arere I mekim ples luk no gut. Ples tu yumi stap long Mosbi, em I luk olsem yu stap long wanpela damp, yu lukim pipai long olgeta hap, taim ol forena o bikipela even I kamap, ples I save luk klin na nais tru. Na taim olgeta samting I pinis na I go bek, ples bilong yumi I go bek long taim bipo we planti pipai I stap long olgeta hap. Inap gavman I stretim ol dispela hevi yumi gat bipo ol I toktok na tu sapos ol I ken kamap long wanpela tingting na askim manmeri long wokim mes klin ap, we yumi olgeta bai I tek pat na klinim ples bilong yumi.

Tenk yu.


Konsen meri

Kona Bilong Poem...

AFRAID

When I first saw you I was afraid to smile at you
 When I smiled at you I was afraid to talk to you
 When I talked to you I was afraid to kiss you
 When I kissed you I was afraid to love you
 And now that I love you I'm afraid to lose you

By: Stacey Lydia Sirimai



"THE LITTLE THINGS YOU DO"

There's someone who believes in me
 There's someone who sees more than just a pretty face
 There's someone who looks beyond just a beautiful smile
 There's someone who always says yes instead of 'No'
 Just to put a smile on my face
 There's someone who told me that its not the outside that matters
 It's the inside that really matters
 There's someone who's always on my team even if I am wrong.

By Stacey Lidia Sirimai

A Poem by Terence Hatutasi

LIFE by Terence Hatutasi

I sit and watch the sky
 Wondering how the day goes by
 From dawn to dusk
 Until we part
 We live by day and sleep by night
 So like all creatures on this earth
 We have our end and that is our death
 So this our life and live must we
 To the fullest
 And fulfil our destiny
 Whatever it may be.

Green Gold


Papua New Guineans have known you for years
 Ancestors after ancestors you lived on.
 Your legacy will remain in red, a combination of three substances.
 Our wantoks from the higher lands have always treasured you
 You stimulate a person to talk, an eye opener to those that are addicted to you.
 You're seen as a money making commodity
 You're seen in almost every customs rituals in Melanesia
 You are the one classified as "Talking Fruit"

By: Shirley Gar

STORI BILONG TUMBUNA

MERI MARILA

Em nau! Ol pikinini i ken painim rot i go long ples wantaim Wantok lain...



Yu pinis! Em ples bilong yu

Long wanpela ples antap long mauten, wanpela man wantaim meri bilong em i stap. Na long wanpela taim long moning, man ya i go raun long bus.

Em ay i lukim wanpela diwai i gat planti pikinini diwai tru i hangamap. Na em i lukim planti pisin i kam sindaun na kaikai pikinini diwai i stap.

Olsem na man ya i go antap long diwai na i wokim haus bilong pisin. Em i wokim haus pinis, na long apinun, em i go long ples bilong em na em i slip i stap.

Long moningtaim em i kirap na sapim banara bilong em na kisim sampela spia na em i go kamap long ples we em i wokim haus pisin long en.

Em i go antap long diwai na was long pisin i stap na i sutim planti pisin tru. Ol i pundaun long graun, long as

bilong diwai, ol pisin tasol i pulap.

Kwiktaim, wanpela bikpela snek i kam antap na pisinim ol dispela pisin em i bin sutim. Na man antap long diwai em i lukluk i go daun na lukim snek i kaikai pisin bilong em i stap. Na man ya i lukluk tasol long em.

Snek i pinisim ol pisin pinis na em i rausim diwai we man i sindaun long en. Nau em i go raun long han bilong diwai na kaikai ol pisin i pundaun long lip bilong diwai. Man em i pret nogut tru. Em i gat 4-pela ai spia bilong sutim ol palai.

Orait man ya i sutim dispela snek tasol snek i daunim spia bilong em. Em i sutim narapela tu i olsem tasol. Nau em i yusim olgeta spia bi long em long sutim snek na snek i daunim olgeta. Na man ya i no gat moa spia bilong sutim snek.

Olsem na em i holim han bilong diwai na i laik kalap i go daun. Tasol snek i tokim dispela man olsem sapos yu kalap i go daun bai yu pundaun na dai. Man em i pret na em i laik kalap i go daun.

Tasol snek i tokim man ya long kam na sindaun antap long em na em bai putim em long graun. Orait, snek i raunim em yet na em i putim raunpela het bilong em antap long bodi bilong man. Na em i tokim man ya long sindaun antap long em. Na man ya em i go sindaun antap long snek na snek i putim em long graun.

Na snek i tokim man. Long bihainim em. Na em i go klostu long wanpela marila na em i tokim man ya long kisim dispela marila na em i sanapim em i go daun long graun. Man i mekim olsem snek i tokim em.

Snek i tokim em gen. Yu lukluk long hap san i kamap na long hap bilong san i go daun, na bihain yu lukluk long ples we yu sanapim marila long en. Man i mekim olsem snek i tokim em.

Na taim man i lukluk long ples marila i stap long en, em i lukim wanpela naispela yangpela meri i sanap. Man i amamas nogut tru. Snek i tokim man ya. Mi laik givim yu dispela yangpela meri ya olsem na mi pinisim pisin bilong yu.

Snek i tokim olsem, taim yu laik kaikai marila, yu no ken kaikai long ai bilong em. Yu mas hait na kaikai. Na em i kisim meri i go long ples. Namba wan meri i stap long ples. Na man ya i kisim narapela meri ya na i tokim namba wan meri.

“Mi kam wantaim narapela pren bilong mi. Yu stre-

tim haus na em bai i kam sindaun.” Na namba wan meri i mekim olsem man i tokim em. Em i stretim pinis na tupela i go insait. Na namba wan i lukim marila meri. Em i harim pairap bilong haus tasol.

Na taim em i kukim kaikai kaukau em yet i tanim tanim na em i no lukim han bilong marila meri. Na taim tupela i kamautim kaukau i olsem tasol. Tasol man bilong em, em i lukim marila meri. Tasol meri bilong haus i no lukim em.

Long wanpela taim, man i kisim wanpela marila na em i lusim tingting long tok snek i tokim em. Na em i kisim marila i go long ai bilong marila meri. Na man i tokim namba wan meri bilong em. Yu go kisim wara long marila bilong mi.

Tasol namba wan meri i no harim tok bilong em. Olsem na namba tu meri o marila meri i tokim em. Mi go kisim wara long marila bilong yu. Na man i tok yu ken go. Meri i kisim mambu na i go bilong kisim wara.

Em i kisim wara na kisim sampela grinpela lip arere long wara na pasim gut maus bilong mambu.

Em i sanapim mambu arere long wara na em i go antap long het bilong wara na i kamap tanim marila na i sanap. Man bilong em i wet i go na i go long wara. Na em i lukim mambu i sanap arere na meri no gat. Em i lukluk long het bilong wara na em i lukim wanpela nupela marila tu i sanap. Dispela marila em meri ya i tanim marila na sanap.

Daniel Basiya Aseki/Lae

Ansa bilong Wod Pilai isu 2209



PAINIM WOD PILAI

Ol wod lista:

LEPA

ATING

BIKSOLWARA

HOLI

KANDA

NAMBAWAN

PAIT

LALAI

KATRES

RAUNPELA

SAREPIM

PASMAN

TAKIS

WINISIM

POGIVIM

SAVE

RABISMAN

WOKURAI

TOKNOGUTIM

SINGEL

TRABELMERI

BAUBAU

GLORI

ADRES

HAILANS

KAKAO

B E X L D K C S A B A G I N P H B T K A K A O G C
K O R E P O S S K A N D A R A B I S M A N F S A Z
E E Y I M K D E G T T H A C O T K H A R T D F I P
P L I T O G E T O B A U B A U T S W A R D R J C A
I C N O P Q T S E T K G A T V R O O A I E T E S A
G T A T X E Q S L F I H J Q A A L K O G L P M S L
C M R E Y G D E H P S N P L H B W U N L E A I K W
E L O G W P S T I E M G S A A E A R S O G R N M Y
H R H W E C X T U T T I N A S L R A T R G A O S O
K C M G T R P A E X D S E T V M A I M I W U B C X
R Y O V S R S E G E C A D J S E A I M A Q N T W G
K Y I F O Z P F E E P E Q J I R V N B T T P L I C
P U C O V I S O S E O N E O N I O M E S C E E N M
E A I R G N P E L T A T I N G O A E D H O L I I I
P D I E V S R O C P E B E O E N F C R E K A S S I
E Q N T O D P R U E C B P E L M I M A O V Z L I V
X E B L A O K Y R S S E G G P R I U A S M N I M D
K W P J K I T E E X O S F D E O O A T U C T W A S
S C D S E N C A E F L H I S I W A O E F N R Q T Z
E R R S E H H D L I I P C E R T L P E Q R R A I N



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Wok long stopim pasin nogut i kamap long ol refuji na asailam sika long Manus

Caroline Tiriman i raitim

SAMPELA asailam sika na refuji long Manus Ailan diten-san senta bilong Australia nau bai wok bung wantaim ol lida bilong Manus long kamapim gutpela sindaun namel long ol yet na ol pipel bilong Manus.

Ronny Knight, memba bilong Manus Open long Palamen i tok as tingting bilong dispela em bilong daunim ol

bikpela wari em o li sutim long ol asailam sika na refuji olsem ol i save kamapim planti trabel na hevi long komyuniti.

Em i tok sampela long ol dispela wari em i pasin bilong baim na salim ol drag olsem mariwana na hombru.

Ol ripot i kam long Manus i tok olsem planti long ol dispela pipela i go insait na stap pinis long ol lokel viles, na dispela i mekim ol Manus

pipel i no wanbel.

Long 2016, Australia i bin tokaut olsem bai em i pasim diten sena bihainim wanpela PNG Supreme Court disisen long mun Eril, tasol ol asailam sika na refuji i stap yet long senta.

Mista Knight i tok em i wokbung wantaim sampela refuji long helpim sindaun bilong ol long Manus na long bihainim ol gutpela pasin long pees.

PNG fres kaikai hevi



Ol kaikai long market long Pot Mosbi.

Caroline Tiriman i raitim

WANPELA mansave bilong egrikalsa long Melanesia i tok ol fama long Papua New Guinea i save bungim planti hevi long salim ol fres kaikai i go long planti hap long kantri.

Dokta Mike Burke bilong Australian National University i mekim dispela toktok bihainim wankain wari bilong narapela mansave blong egrikalsa long PNG, Emmanuel Kavanamur.

Long mun i go pinis, Mista

Kavanamur, husat i wok olsem hotikalsarelis wantem Fresh Produce Development Agency i bin tokaut olsem, bai gutpela sapos PNG i putim ol cold storage o haus i gat ais long putim ol fres kaikai pastaim ol i salim i go long ol narapela ples long kantri.

Dokta Burke i wanbel wantaim Mista Kavanamur long dispela, tasol em i tok i gat planti moa samting we i putim hevi long salim ol fres kaikai igo long ol maket long PNG.

Em i tok PNG i bikpela

kantri na i gat ol narapela narapela enviromen, sampela hap i hot, drai, kol, i gat planti ren o nogat ren, sampela kain kumu i gro tasol long sampela hap na ol samting olsem.

Em i tok ol bikpela rot i save bagarap, olsem long Hailan Haiwe em i stap namel long Lae long Morobe provins na ol narapela provins long Hailans rijon we ol fama i save planim ol kaikai olsem, kebis, kerot, kaukau, koliflawa, brokoli na poteto.

Saut Bogenvil na Westen Solomon i harim New Dawn FM

Sam Seke i raitim

NEW Dawn FM komyuniti brotkasta i go het mekim histori long sait long brotkasting long Atonomas Rijon bilong Bogenvil long wanem, nau em bai brotkas tu long Sauten rijon bilong Bogenvil.

Ol pipel bilong Saut Bogenvil i amamas long bai ol i nau nap harim long redio ol nius na infomesen bilong Bogenvil yet, PNG, long rijon na

long wol taim New Dawn FM i stat brotkas long Buin long namba 31 long dispela mun.

Menesing Dairekta bilong New Dawn FM, Aloysius Laukai i tok ol i bin testim pinis signal na ol pipel blong Bana, Siwai, Buin na sampela hap bilong Solomon Ailan i tok ol i ksım klia gut tru.

Em i tok New Dawn bai brotkas long 89.9 FM long studio blong en long Buka na bai tupela wan wan 1 Kilowatt Trensmita bilong ol

long Arawa na Buin bai i ritrensmitim.

Mista Laukai i tok i kam inap nau, planti long ol pipel long saut Bogenvil i save harim tasol brotkas bilong SIBC long Solomon Islands.

Em i tok ol i nau bai ken harim tu ol broadcast bilong ol awarenes long ol wok we Atonomas Bogenvil Gavman i wokim long sait long referendam long indipendens o nogat long Papua New Guinea.

Australia Polis i arestim Wes Papua ektivis

Caroline Tiriman i raitim

AUSTRALIA Polis i arestim wanpela Wes Papua Ektivis bihainim wanpela pispul mas long Indonesia Gavman opis long Melbourne.

Tude long moning samplea Wes Papua pipel, na ol sapota bilong ol i bin go na mekim wanpela pispul protes ausait long Konsulete o gavman opis bilong Indonesia long Melbourne.

Polis i bin pulim kalabusim wanplea long ol dispela protesta.

Ol i tok ol i bin mekim dispela protes bilong soim sapot bilong ol long ol tingting na wok em Australian militeri i gat long ol trening bilong ol we i tok Wes Papua i no hap bilong Indonesia.

Dispela ol toktok i bin mekim lida bilong militeri long Indonesia long stopim ol wok bung namel long ol



Ol West Papua pipel i mas long Brisbane long 2015.

militeri bilong Indonesia na Australia long wik i go pinis, long wanem Indonesia itok, des;pla kaen toktok ino stret long wonem Wes Papua em i hap bilong Indonesia.

Indonesia i bin kisim nat-ing Wes Papua aninit long wanpela vot em ol i bin kolim "vot of free choice" moa long 15 yia i go pinis, tasol ol Wes Papua pipel ino laikim Indonesia long lukautim ol, olsem na i kam inap nau o li wok long pait long bruk lusim Indonesia.

Ol ripot i tok moa long 500,000 pipal i dai pinis aninit long han bilong ol militeri na polis bilong Indonesia.

Jacob Rumbiak, wanpela Wes Papua lida long Australia it ok, protes bilong ol i bin bihainim tu wanpla toktok em i bin kamap long wanpela niuspepa long Indonesia we oli bin askim gavman blong Australia long stopim ol Wes Papua pipel long Melbourne long mekim ol protes egensim Indonesia.

Wes Papua bai no nap kamap ful memba bilong MSG

Sam Seke i raitim

UNITED Liberation Movement for West Papua bai i nonap kamap ful memba bilong Melanesian Spearhead Group inap long ogeta 5-pela ful memba nau i wanbel long en.

Dispela toktok i stap insait long mama agrimen we i sanapim MSG, na we i tok

olgeta lida i mas gat consensus o wanbel long en.

Solomon Ailan, Vanuatu na ol FLNKS bilong Nu Kaledonia i laikim Wes Papua we i nau gat obseva stetus tasol long kamap olsem ful memba long MSG.

Tupela narapela memba, Papua New Guinea na Fiji i no wanbel long Wes Papua i kamap ful memba.

Praim Minista bilong Vanuatu, Charlot Salwai, na FLNKS lida, Victor Tutugoro, i bin toktok long dispela isu wantaim Siaman bilong MSG, Solomon Ailan Praim Minista, Manasseh Sogavare long Port Vila long dispela wik.

Mista Sogavare nau i wok long raun i go long toktok wantaim ol MSG lida.

Pangu Pati i laik strongim egrikalsa long PNG

Sam Seke i raitim

LIDA bilong Pangu Pati i tok sapos ol ranim gavman bihain long 2017 nesinel ileksen long Papua New Guinea, bai ol i strongim bikpela moa ol wok long sait long egrikalsa.

Sam Basil husat i memba blong Bulolo Open na tu i Deputi Lida bilong Oposisen

i tok, koalisen gavman nau bin lus tingting long sait bilong egrikalsa.

Tasol em i tok sapos Pangu i ranim gavman, bai ol i putim samting olsem 2 bilien kina i go long egrikalsa - na wan milien long en bai go long developim sait long kakoa na kopi.

Mista Basil i tok tupela

keskrop i wok long benefitim pinis planti pipel long olgeta hap long kantri na gavman i mas helpim long kamapim gut moa.

Em i tok long nau, ikononi bilong PNG i lukluk tumas long ol non-renewable risos olsem maining we i stap long 80 pesen, na ol i laik tanim raun dispela.

Vanuatu bai kamapim lo bilong ol yut

Caroline Tiriman i raitim

OL lain bilong National Youth Council long Vanuatu i tok bai ol i amamas tru sapos Palamen i oratim Youth Bill o loa em bai karamapim sindaun bilong olgeta yangpla pipel long kantri.

Ol i tok sapos ol i oraitim dispela bil, dispela bai min olsem Vanuatu bai kamap

namba wan kantri long Pasifik rijon long gat kain lo bilong ol yangpela pipel.

Joe Kalo, Prinsipel Edministreta blong Vanuatu Nesenel Yut Kaunsel, i tok as tingting bilong dispela Bill em long helpim ol yangpela pipel long ol kain samting olsem, emploimen, na tu long bringim ol sevis i go long olgeta yangpela pipel

long olgeta ailan bilong kantri.

Vanuatu, wankain olsem ol narapela kantri long Pasifik rijon i gat bikpela wari long nogat wok, na tu planti yangpela pipel i no save pinisim skul o edukesen.

Vanuatu Palamen bai holim namba wan miting bilong en long Mun Mas long dispela yia.

Paipain L/O sainim venda fainens agrimen

Aja Potabe i raitim

WANPELA sif lenona bilong Nali klen o wan pisin long Hela i tok tenkyu long Kumul Petroleum Holdings Limited (KPH) i helpim ol papagraun bilong paipain segmen 1, 2 na 3 bilong PNG LNG Projek.

Sif George Nali bilong Nali Klen i makim maus bilong ol papagraun na arapela ol manmeri bilong paipain segmen 1, 2 na 3, na tok tenkyu long KPH.

"Mi laik tok tenkyu long gavman na KPH Menesing Dairekta Wapu Sonk long helpim ol papagraun bilong mi long paipain segmen 1, 2 na 3.

"Mipela i bin painim mani long baim sea bilong Kroton Ekwiti. Gavman i helpim

mipela taim mipela i kisim hat taim stret.

"Mi amamas long dispela. Bikpela tok tenkyu i go long Praim Minista Peter O'Neill na KPH Menesing Dairekta Wapu Sonk i helpim mipela," Mista Nali i tok.

Mista Nali i tok tenkyu long gavman i daunim mani mak bilong Kroton Ekwiti i kam daun long US\$ 150 milien (K450 milien).

Pastaim sea prais bilong wanpela sea i bin stap olsem US\$240 milien (K720 milien). Dispela em i mani mak bilong wanpela sea we ol papagraun na gavman i bin wanbel long Ambrella Benefit Sering Agrimen (UBSA) long kokopo.

Tasol taim ol papagraun i sot long mani long baim sea

"Mipela i no gat planti manmeri long ples bilong mipela. Ples em i bus ples tasol o liklik manmeri husat i stap long ples i no gat dispela bikpela mani.

"Ol i amamas long gavman na KPH i helpim ol i baim sea bilong ol long Kumul Petroleum Kroton," em i tok.

Mista Nali i tok Nali klen i gat bilip long KPH na Nesenel Gavman long menesim gut ekwiti bilong ol.

"Taim oil na ges bilong mipela i pinis, mipela bia lukluk long dispela ekwiti. Mipela i bilip long gavman na KPH. Mani bilong mipela i stap gut long han bilong tupela," Mista Nali i tok.

Mista Nali i tok ol papagraun bilong paipain segmen 1, 2 na 3 i n gat wanpela hevi namel long ol yet.

"Mipela i stretim ol toktok namel long mipela yet pinis. I no gat wanpela hevi i stap long mipela ol papagraun bilong Segmen 1, 2 na 3.

"Mipela i stretim toktok pinis na wanbel long baim ekwiti bilong Kroton wantaim helpim bilong KPH," em i tok.

Mista Nali i tok ol lain segmen 1, 2 na 3 i no planti na ol i no trastim ol namel man o ol saveman husat i laik makim maus bilong ol na tok tok long Kroton Ekwiti Opsen.

"Mipela i gat bilip long KPH aninit long lidasip bilong Wapu Sonk na bod memba bilong KPH. Long dispela as mipela i laik bihainim plen bilong ol KPH," Mista Nali i tok.



Sif lenona bilong Nali Klen, George Nali.

Gavman lukluk long apim takis kredit skim

PRAIM Minista Peter O'Neill i tok Gavman bai stretim toktok wantaim ol bikpela remaining na petroleum kampani long apim Takis Kredit Skim (TCS) mani long fandim developmen bilong rot.

Mista O'Neill i tok rot em i namba wan samting long nesenel developmen na ikonomi bilong dispela kantri bai gro strong sapos kantri i gat gutpela rot network.

Em i tok gavman bai apim TCS mani long 0.75 pesen i go antap long 2 pesen dispela mani i ken go long kirapim namba wan sevis olsem rot.

Mista O'Neill i mekim dispela tok taim em i laik bekim askim bilong Memba bilong Telefomin, Solan Mirisim.

Mista Mirisim i bin askim sapos Praim Minista i ken tokim ol pipel bilong Telefomin long wanem samting i wok long kamap long nupela Tabubil-Telefomin rot.

Gavman i bin statim pol konstraksen wok bilong kirapim dispela nupela rot long yia 2012 taim O'Neill-Dion Gavman i kam insait.

Tasol Mista Mirisim i tok ol konstraksen wok i no pinis hariap bikos i no gat gavman fanding long pinisim wok.

"Dispela rot em i namba wan rot we bai joinim Telefomin na Tabubil. Planti ol manmeri bilong mi long Telefomin i wok long wok long Tabubil na sevim Ok Tedi Main, we gavman i save kisim takis mani," Mista Mirisim i tok.

Em i tok ol dispela manmeri i mas gat wanpela gutpela rot we ol i ken ran i go kam long ples.

"Ol pipel i mas kisim gavman sevis. I no gat wanpela rot i joinim Telefomin na mipela i save kisim balus long karim ol saplai bilong

skul na haus sik," Mista Mirisim i tok.

Em i tok em i laikim gavman long apim mani mak bilong TCS i go antap long 2 pesen na larim TCS bilong Ok Tedi Main i pinisim dispela nupela rot projek.

Praim Minista O'Neill i wanbel long apim TCS i go antap long 2 pesen na em i luksave olsem Telefomin em i wanpela distrik insait long Sandaun Provins we em i nidim rot long join wantaim arapela ol taun na senta.

"Mi save olsem sans bilong kirapim bisnis na bringim ikonomik developmen long Telefomin em i antap tru.

"Tasol yumi nidim wanpela gutpela rot. Gavman i lukluk long apim TCS i go antap long 2 pesen. Mipela bai helpim ol pipel bilong Telefomin long kirapim dispela rot," Mista O'Neill i tok.

Bikpela sefing kompetisen bai kamap long Madang



CEO bilong TPA, Jerry Angus (namel) i givim K200, 000 long Presiden bilong SAPNG, Andrew Abel (raithan).

Aja Potabe i raitim

PNG bai holim wanpela bikpela intanesenel bung bilong sefing long dispela yia.

Sefing em i wanpela spot o pilai we ol manmeri i save kisim ol bod na ran long ol bikpela weiv bilong solwara.

Dispela bai kamap wanpela namba wan intenesenel sefing kompetisen we PNG bai holim long hia.

Dispela bikpela sefing kompetisen bai kamap long 18 - 25 Mas long dispela yia long Not Kos long Madang.

Presiden bilong Surfing Association PNG (SAPNG), Andrew Abel, i tok moa long 150 manmeri bai kam raun long lukim dispela sefing kompetisen.

Sefing kompetisen bai kamap long Tupira Surf Club long Not Kos bilong Madang. Em i tupela awa tasol long stap long Madang taun na i go long Tupira nambis.

Mista Abel i tok SAPNG i bin strongim sait long holim dispela bikpela bung bilong ol biknem sefa bilong wol.

"Ol lain husat bai kam sef

ya ol i gat nem long wol. Ol i holim taitel long sefing. Planti manmeri long Amerika, Saina, Australia na Yurop bai kam long dispela kompetisen long PNG," Mista Abel i tok.

Em i tok dispela em i wanpela bikpela sans long promotim PNG bikos planti manmeri bai lukim dispela kompetisen long TV long moa long 20 kantri long wol.

"Moa long 12 milien manmeri bai lukim long TV long olgeta hap bilong wol. Planti ol nius manmeri bilong arapela kantri tu bai kam raun long kisim stori na piksa bilong dispela bung," Mista Abel i tok.

Em i tok dispela em i sans bilong promotim sefing turisim wantaim arapela samting bilong turisim long PNG.

"Planti manmeri long ovasis i save ting PNG em i wanpela no gut kantri. Dispela em i no tru. Dispela sefing kompetisen bai kamap wanpela sans long bringim gutpela nius na stori i go aut long wol na senisim nem bilong PNG," Mista Abel i tok.

Sif Eksekutiv Opisa bilong

Tourism Promotion Authority (TPA), Jerry Angus, i wanbel long dispela bung bai promotim turisim long PNG na bringim i kam sampela nupela manmeri long kam lukim PNG.

TPA i givim K200, 000 long helpim SAPNG i holim dispela bung. Mista Angus i tok dispela bung bai promotim sefing turisim na tu bai apim nem bilong kantri bilong yumi.

"TPA i save helpim ol turisim indastri patna na ol asosiesen wantaim ol anual maketing gren long sapotim wok ol i mekim long strongim bisnis bilong turis," Mista Angus i tok.

Aninit long dispela program, TPA i givim dispela mani long SAPNG long holim sefing kompetisen we dispela bai bringim moa turis ikam long kantri.

"Na tu moa manmeri bai lukim kantri bilong yumi long TV. Dispela sefing kompetisen bai helpim wok bilong TPA.

"Em bai promotim PNG olsem wanpela gutpela ples we ol turis i ken kam raun na mekim planti samting," Mista Angus i tok.



Presiden bilong SAPNG, Andy Abel, i sef long bikpela weiv bilong solwara.

Tupela nupela jas bilong Indipenden penel bilong Men ov Ona awods

Shirley Gar i raitim UPNG Jenelism sumatin

TUPELA bik manmeri bilong Papua Niugini i wanbel long stap insait long indipenden panel olsem jas bilong Digicel PNG Faundesen 2016/2017 men ov ona awods.

Bod Siaman bilong Digicel PNG faundesen, Douveri Henao i bin tokaut long fraide 20 Januəri 2017, olsem Profesa Betty Lovai bai kamap jas bilong Allen Mahuru Posthumous Sevis Awod na Dadi Toka Jnr bai kamap jas bilong men ov Ona awods bilong ol yang-pela man. Dispela em tupela nupela awod we i bin kamap las yia tasol.

Dokta Lovai em UPNG eksekutiv Din, Skul bilong Humaniti na sosel saiens na i wanpela edvoket bilong sosel jenda isu husat i kamap Din long UPNG we i givim sevis na save go aut long gutpela bilong PNG.

Mista Toka Jnr em i yang-pela bisnis man husat i gat gutpela save long edministresen na bisnis wok wantaim volantia wok bilong non-profit ogenaisesen. Toka em Sif eksekutiv ofisa (CEO) bilong PNG Cancer faundesen we em i wok helpim insait long lokal komyuniti, spot, edukesen na sosel ogenaisesen.

Dokta Lovai wantaim

mista Toka bai bung wantaim ol olupela jas; Cassaundra Rangip (Community entrepreneur Award category), Dr Erik Kwa (Community Education Champion Award category), Sarah Haoda-Tod (Community leadership Award category), Jimmy Drekore (Community Ingenuity Award category) na Superintendent David Terry (Sporting Mentor Award category).

"I gat 94 nominesen we i kam long olgeta hap insait long kantri PNG, we i lukim olsem momases na sauten rijion i gat planti", mista Henao i tok.

Wanpela memba bilong Digicel faundesen, Pater John Glynn tu i tok, "Kantri PNG nidim gutpela nius. Ol Jenelis mas strong long promotim gutpela nius bilong ol sempion man husat i wok strong long gutpela bilong dispela kantri".

Ol jas bai glasim 94 nominesen i go long 7-pela ketegri we bai ol i kolim nem bilong wina long Sarere 25 March 2017 insait long Pot Mosbi.

CEO bilong faundesen, Beatrice Mahuru, i tok tenkyu tu long ol man na oganaisesen we i helpim long wok daunim vailens insait long kantri olsem: Atlas steel, Ela Motors, Hertz Leasemaster, Digicel media Ventures na Digicel PNG limited.

Hides komyuniti bai lukluk raun long ExxonMobil PNG



Evanjelikal Sios ov PNG meri grup bilong Hides komyuniti wantaim ol lain i makim ExxonMobil PNG Limited i raun insait long Hides Gas Conditioning Plant.

KAMPANI we i ranim PNG LNG projek, ExxonMobil PNG Limited (EMPNG), i bin singautim ol komyuniti bilong Hides Ges Kondisening (HGCP) bilong helpim ol long save long wanem samting i save kamap long operesen.

Dispela program we i bin kirap long mun Novmembra, 2016 i strongim wok bilong Komyuniti Dvelopmen Program bilong EMPNG taim em i helpim ol komyuniti long save gut long ran bilong Plent operesen.

EMPNG Hides Suprintenden, Ken Rhyason, i tok ol lukluk raun em bilong rausim ol kain kain bilip na tingting

krangi long wanem kain samting i save kamap insait long operesen eria bilong EMPNG na long kamapim strongpela rilesensip wantaim komyuniti long Hides.

Ol sesen i pinis wantaim ol narapela toktok bilong stap helti, edukesen na komyuniti dvelopmen.

"Ol wokman bilong mipela i wok long helpim program wantaim skul bilong haijin, we bilong karamapim ol kaikai gut na ol hevi bilong helt," Mista Rhyason i tok.

Ol taget grup em ol sumatin bilong Hides, ol sios lida man na meri, komyuniti lida, yut

grup na meri grup lida.

Taim wanpela lukluk raun i pinis, Evanjelikal Sios bilong PNG Women Grup mauseri na meri husat ExxonMobil sponsa long em i go long Global Women in Menesmen (GWIM) alumni, Miriam Gai, i tok tenkyu long EMPNG long opim ol dua bilong en i go long komyuniti na long dedikesen bilong em long senisim kwaliti bilong laip bilong ol pipel bilong Papua Niugini.

"Mi lukim bikipela senis i kamap long we bilong sindaun namel long ol meri husat i stap insait long program bilong Komyuniti Laip

impruvmen Program (CLIP).

"Nau ol meri i wok long yusim save ol i kisim long CLIP long planti kain kain kumu na kaikai long kamapim balens kaikai bilong famili bilong ol," Misis Gai i tok.

Ol grup i bin lukluk raun long Plen operesen long kar i go raunim olgeta hap banis bilong operesen eria na tu ol i wokabaut i go insait long haus kuk bilong kemp na bihain ol i kaikai belo kaikai na kisim helt toktok long medikal tim bilong EMPNG's iSOS.

Dispela kain lukluk raun i save kamap bihain long olgeta tupela wik o wanpela potnait.

PNG na Australia wok wantaim long kamapim sefti

PAPUA Niugini Nesanel Maritaim Sefti Atoriti (NMSA) na Australian Hai Komisen i bin sainim wanpela nupela pantnasip pepa bilong sapotim wok bilong maritaim ejensi long asde Trinde 25 Januəri.

Dispela nupela we bilong wok bai lukim Australia i givim sapot long NMSA bilong kamapim gutpela pasin bilong Papua Niugini long bihainim ol intenesenel maritaim sefti lo. Dispela we bai kamapim wok bilong lukautim sefti bilong ol liklik bot na dingi longpela taim na tu long PNG martaim lejisletiv fremwok.

Em bai sapotim tu NMSA long painim ol rot bilong inspeksen long kamapim gut we bilong bihain ol lo bilong ol sip i wok na long strongim lo bilong sefti long ol komesel sip. Olgeta ektiviti aninit long dispela agrimen bai bihainim ol prairiti bilong gavman bilong PNG.

Dispela nupela we bilong wok bung em i sanap antap long wok bung bilong Papua Niugini na Australia we i kam longpela taim pinis long lukautim ol wok bilong solwara.

NMSA Jeneral Menesa/CEO, Paul Unas, i tok olsem ol gutpela samting bai

kamap long wok klostu wantiam Australia na impoten long wok yet long kamapim maritaim sefti standet.

"Tenkyu long dispela teknikal sapot bilong Australia, bikos nau NMSA bai i ken kamapim moa wok. Kain wok bung bai lukluk long strongim tingting bilong mipela long mekim ol solwara na wara bilong kantri bilong mipela i kamap seif, bihainim ol intenesenel standet," Mista Unas i tok. Australia Hai Komisen Minista Kaunsela, Benedict David i tok moa long veliu bilong dispela nupela we.

"Dispela we bilong wok em i sapotim sefti long solwara long lukautim ol liklik bot na ol sip. Dispela em i gutpela long domestic na intenesenel treid na long ol famili long raun long ol liklik banana bot long ol solwara na nambis tu," Mista David i tok.

Sapot bilong Australia i go long NMSA bai kam long Gavman bilong Australia fanding bilong Transpot Sekta Sapot Program.

Australia Maritaim Sefto Atoriti na Australia Dipatmen bilong infrastraksa na Rijonal Dvelopmen bai mekim bikipela wok long givim teknikal edvais na long wokim projek.

Ramu NiCo Vais Presiden raun long Usino-Bundi

VAIS Presiden bilong Ramu NiCo Menesmen (MCC), Zhao Deqian, husat i save stap long o Kurumbukari Main na ol komyuniti afes opisa i bin go lukluk raun long ol ples na Walium gavman stesin long Usino-Bundi we em i givim ol presen long ol pipel long amamasim de bilong ol long taim bilong krismas na nu yia.

Mista Zhao na lain bilong em i go lukim ol klen lida, ol lida na ol gavman opisa long Walium stesin na givim presen olsem

sain bilong mekim pren.

Vais Presiden i tok strong olsem Krismas em i taim we ol pipel i bung long tingim bon de bilong Jisas Krais na tu em i wanpela taim we ol famili i kam long bung wantaim na amamas long givim ol presen i go i kam.

Ol tim bilong Vais Presiden i bin go lukim 30 klen lida bilong Kurumbukari na ol opisa.

Ol i bin go tu long Enekuai, Banu, Daunagari, na Yamagi Long makim maus bilong

Ramu NiCo Menesmen na tim Mista Zhao i tok amamas bilong Krismas na long gutpela wokbung wantaim long yia 2016.

Em i tokim ol long stap helti na amamas long ol Krismas na Nu Yia wantaim ol famili gut.

Tasol em i no namba wantaim long Ramu NiCo i go lukim ol rurel ples insait long projek impek eria. Ramu NiCo olgeta taim i save bungim ol elda na ol lida long pinis bilong olgeta yia long tok amamas long ol long Krismas wantaim ol famili.



Vais Presiden Zhao i sanap namba 5 long lephan i kisim ol painapel long ol ples lain bilong Enekuai viles.

Chapecoense i pilai namba wan gem



Golkipa, Jackson Follmann, i bin kisim bagarap long lek long taim balus i bungim birua i kam long taim bilong gem long las wik.

TIM bilong Brazil, Chapecoense, i pilai namba wan gem bilong ol bihain long balus i bungim birua long 29 Novemba, 2016, na kilim planti pilaia bilong ol.

Balus i kilim 71 pipel na 19 pilai na ol woklain bilong balus long taim tim bilong Brazil i go long Colombia long fainal bilong Copa Sudamericana.

Tim i makim 22 nupela pi-

laia na i kamapim Brazil lig sempion long poroman resis long las wik Sarere.

Tripela pilaia husat i stap laip long taim balus i bungim birua i kisim Copa Sudamericana bipo long gem long Arena Conda Stediam.

Difenda Neto na Alan Ruschel na golkipa, Jackson Follmann, i bin kisim bagarap long lek i stap namel long 6-pela lain i stap laip.

Ol i kisim tropi na medal arere long ol famili bilong ol lain i dai long balus i bungim birua wantaim ol narapela 20,000 lain long Chapecoense Stediam.

Gem i stop long 71 minit bilong resis taim ol pilaia bilong tupela tim na ol sapota i sanap long paitim han na givim rispek long ol lain i dai bipo long go het na pinisim resis.

Bal gel i salim tenkyu leta long Jo-Wilfried Tsonga

JO-WILFRIED Tsonga i bin stop liklik long pilai bihain long em i bin lukim wanpela bal gel i kra taim bal i paitim em.

Dispela i kamap long namba tu raun resis bilong em. Em i go na holim han bilong em na i kisim em i go ausait long kot o pilai graun.

Bihain long 12-pela mun, Tsonga i tokaut olsem bal gel, Guiliana, i bin salim tok tenkyu i go long em long em i bin holim han bilong em na

i karim em i go aut long pilai graun.

“Mi laik kisim dispela taim na laik tok tenkyu long Jo-Wilfried Tsonga long em i bin helpim mi na kisim mi go aut long pilai graun long namba tu raun resis bilong em. Mi no klia olsem yu ken tingim mi, tasol mi em bal gel yu bin kisim i go aut long pilai graun taim bal i paitim mi.


“Mi tok sori long mi no bin mekim wok bilong mi olsem

bal gel.

“Mi tok tenkyu long yu bin helpim mi bikos mi nidim sampela lain long helpim mi nay u soim gutpela pasin bilong yu na kisim mi go aut long pilai graun.

“Yu ken pilai gut long ol resis bilong yu i stap yet,” bal gel, Guiliana i tok tenkyu long Tsonga.

Wol namba 12 bai pilai egensim 2014 sempion, Stan Wawrinka, long kwata fainal long Sande.



Jo-Wilfried Tsonga i kisim bal gel, Guiliana, i go aut long pilai graun taim bal i paitim em.

Nadal i go insait long Australia Open kwata fainal

RAFAEL Nadal bilong kantri Spain i bin daunim Gael Monifls bilong France na i winim wanpela ples long Australia Open kwata fainal resis.

Nau, Nadal bai bungim namba tri ples, Milos Raonic bilong Canada.

Dispela em i namba 9 taim bilong em long resis long fainal 8 long Melbourne Pak bihain long winim taitel long 2009.

Na tu em i namba wan taim bilong em long kwata fainal resis inap long 2015.

Monifls i no bin pilai gut long stat bilong resis na dispela em sans taim bilong Nadal long pilai strong long daunim em.

Long namba 4 set, Monifls i brukim Nadal na i stap pas



Rafael Nadal i sanap insait long pilai graun.

wantaim 4-2 poin, tasol man spein i strong na brukim em bek long winim dispela resis.

“Mi gat bikipela amamas

long go insait long kwata fainal long dispela resis gen hia long Australia,” Nadal i tok.

Ivan Cleary i het kosa bilong Lebanon

LEBANON Ragbi Lig Federeesen (LRLF) i amamas long tokaut long ol i bin makim Ivan Cleary olsem nupela het kosa bilong nesanel tim.

Bipo het kosa bilong Penrith Panthers na Nu Silan Warriors i tok orait long lukautim ol Cedars long Ragbi Lig Wol Kap resis bilong dispela yia.

Cleary i save gut long kamap kosa we em i bin lukautim ol Warriors long NRL namel long 2006 i go inap long 2011. Bihain em i lukautim ol Panther long yia 2012 i go inap long 2014 we ol i bin pilai 249 gem aninit long kosa bilong em.

Cleary i tok, dispela sans long lukautim developing kantri long Ragbi Lig Wol Kap resis bilong dispela yia em i wanpela hap we em i amamas long go pas.

“Mi gat bikipela sans long stap insait long bipo Ragbi Lig Wol Kap wantaim ol skwat bilong Nu Silan nan au mi gat sans long kamap het kosa bilong developing kantriolsem Lebanon em i wanpela samting we mi gat bikipela amamas long dispela.

“Lebanese Ragbi Lig Fed-

eresen i wok hat tru long kamapim local resis bilong ol na mi bilip olsem dispela em i bikipela sans bilong ol long ol bai luk save gut long pilai ragbi gem.

“Wantaim ol Lebanon i kwalifai long 2017 Ragbi Lig Wol Kap resis, mi bilip olsem mipela i gat bikipela sans long skruim namba bilong ol gem long Lebanon i kamap bikipela na dispela em bikipela samting long ol intenesenel gem bai gro bikipela.

“Long sait bilong kalsa, tonamen em i bikipela samting bilong planti ol pilaia long Lebanon long makim famili na kantri bilong ol..

“Mi lukluk long wok wantaim Lebanon tim na Ragbi Lig Wol Kap tonamen em i wanpela bikipela sans long soim bikipela save bilong ol olsem kantri i ken pilai dispela gem,” Cleary i tok.

Ragbi Lig Wol Kap 2017 em i namba tut aim bilong ol Cedars long kwalifai long intenesenel spot iven na CEO bilong LRLF, Remond Safi, i tok, ol i makim Cleary i salim wanpela klia toktok long tingting bilong ol long kam resis long tonamen.

“Ol i makim Ivan long

kamap het kosa bilong Lebanon Cedars em i namba wan muv long gutpela hap na dispela i soim olsem ol bai resis strong long Wol Kap resis,” Safi i tok.

“Ol bai kempeng gut na bungim neks raun bai bringim gem i go long narapela level na gem bai kamap gut long Lebanon na kamapim wanpela rot bilong ol pilaia long pilai long ol intenesenel level.

“Wok wantaim pilaia na staf long lokal resis bilong yumi long Lebanon wantaim ol pilaia bilong yumi save stap long Australia bai mekim wanpela bikipela wok na mipela bilip olsem mipela gat rait man long wok.

“Ivan i save gut long ragbi olsem pilaia na kosa, na mi bilip olsem em bai lukautim ol pilaia bilong mipela gut long stat bilong Wol Kap resis i go inap long pinis bilong en.”

Lebanon i stap namba 21 ples long wol renk na i stap long Pul A long Ragbi Lig Wol Kap resis. Ol bai pilai egensim Australia, Ingran na Frans long Pul A resis wantaim ol top tri tim bai go insait long kwata fainal.



Ivan Cleary, het kosa bilong Lebanon long 2017 Ragbi Lig Wol Kap resis.



Mama kampani - MCC-GRUP i luksave long Ramu NiCo



General Menesa bilong Komyunitii Afes, Martin Paining i givim awod bilong kampani long wampela wokman long Madang.



Ol woklain long Basamuk Rifaineri i harim toktok long video konpres.



Ol woklain bilong Madang Opis i kisim grup piksa bihain long konpres.

MAMA kampani bilong Ramu NiCo Projek, MCC-Grup long Saina i gat bikipela luksave long Ramu Nikel projek olsem wampela bikipela invesmen bilong Saina insait long PNG na Pasifik rigon.

Siaman bilong Ramu NiCo, Zong Shaoxing i bin tokim olgeta wok lain bilong Ramu NiCo long Basamuk Rifaineri, KBK Main, Madang Opis na Beijing opis long dispela 2017 Annual Wok Konpres bilong Ramu NiCo we i bin kamap long dispela wik Tunde. Em i tok olsem long olgeta liklik kampani bilong MCC-Grup, Ramu NiCo em wampela kampani we MCC i gat bikipela luksave long en na laik stret olsem Ramu NiCo i mas kamap wampela bikipela projek klostu taim.

Siaman Zong i tok em i bin makim maus bilong Ramu NiCo na mekim wampela ripot i go long MCC-Grup olsem Ramu NiCo i gat bikipela potensel long kamap wampela model projek insait long PNG na Pacific rigon sapos sampela ol liklik birua olsem teknikel hevi, mani birua na ol hevi bilong menesmen i kamap stret gut areap.

Siaman Zong i tok tu olsem sapos dispela birua na dai we i bin kamap long Basamuk Rifaineri long Epril 12, 2016 we MRA or gavman i bin passim Rifaineri long 79 de we i no bin kamap bai tude Ramu NiCo i ken kamap long 100% prodaksen mak stret bilong em long stat bilong 2016.

Siaman i luksave olsem maski kampani i gat mani hevi na prais bilong wol nikel i daun tumas, dispela birua long Basamuk we i bin stopim Rifaineri na KBK Main



President bilong Ramu NiCo, Gao Yongxue i givim toktok long konferens.

i bin lukim Ramu NiCo westim bikipela mani na em i salensim olgeta woklain na menesmen long luksave long ol kain hevi na wok gut long abrusim long bihain taim.

Bihain long Gavman i bin tok orait long Rifaineri long operet na wok i bin stat, ol woklain long Projek i bin wok hat stret we i lukim prodaksen bilong mun Oktoba, Novemba na Disemba 2016 i bin winim mak long 100% disain kapasiti na Siaman Zong i soim bikipela hamamas bilong em wantaim MCC-Grup long olgeta woklain.

President bilong Ramu NiCo, Gao Yongxue tu i joinim Siaman na autim bikipela tok tenkyu bilong em i go long olgeta wok lain long kamapim wankain wok long lukim Projek i go bikipela moa.

Presiden Gao i tok prodaksen bilong 2016 i no bin kamap stret long mak bilong em tasol projek i bin kamap gutpela long pinis bilong yia 2016 bihain long Gavaman i bin givim ful tok orait long Ramu NiCo main i ken operet olgeta taim.


Em i tok nikel na kobalt bilong ol woklain, prodaksen na ol masin em bikipela samting we i ken kamapim projek i go bikipela moa.

Ramu NiCo i ken mekim sampela gutpela win moni.

Mista Gao i givim ripot bilong yia 2016 na kamapim sampela wok plen bilong 2017 we ol menesmen na wok lain i ken bihainim long lukim Ramu NiCo projek i kamap bikipela moa.

Bikipela as tingting bilong menesmen bilong 2017 em long ol woklain na menesmen i mas katim daun prodaksen kost, apim kwaliti bilong nikel na kobalt i go antap, stretim na abrusim ol teknikel hevi, ol menesmen mas kamap wantaim gutpela save long kamapim wok bilong ol i go bikipela, ol woklain i mas kamapim gutpela luksave wantaim ol papagraun, gavaman na ol lain arasait long Ramu NiCo projek i mas sapatim Ramu NiCo long kamap bikipela.

Long dispela bung tu, Ramu NiCo na MCC-Grup i luksave long ol planti wok manmeri husait i save wok hat na givim ol awod. Long wankain taim, menesa bilong KBK Main, Sarimu Kanu na Basamuk Rifaineri, Bill Hill i tok strong olsem sefti bilong ol woklain, prodaksen na ol masin em bikipela samting we i ken kamapim projek i go bikipela moa.



PNG Anda 17 man i lusim kantri long Mande



PNG Anda 17 skwat i lusim kantri long Mande.

PAPUA Niugini Anda 17 tim bilong ol man i lusim kantri long Mande, 23 Januari, long mekim wok redi long Osenia Futbol Konfederesen (OFC) Anda 17 sempionsip resis bilong ol man.

Taim PNG Anda 17 i redi long pilai long OFC U17 Sempionsip, Kosa Harrison Kamake, i laikim ol pilai bilong em long stretim ol liklik samting long namba wan hap.

“Olgeta tim long long pul bilong yumi bai salensim ol bai PNG,” Kamake i tok.

“Nau mipela i lukluk long resis egensim Nu Silan Anda 17 nesenel tim long poroman resis long Nu Silan na dispela em wanpela hap olsem mipela bai mekim wok redi long go het long bikpela resis long Febueri.”

Kamake i tok, dispela poroman resis em i bikpela samting long ol boi long soim kala bilong ol gut long go resis long OFC Anda 17 Sempionsip.

Ol i bin pilai egensim ol Fiji long Tunde na ol bai pilai egensim ol Nu Silan long Januari 28 na egensim ol Oklan Ekademi long Febueri 4, long pinisim wok redi bilong ol.

OFC Sempionsip resis bai kamap long Tahiti long Febueri 11 i go inap long Febueri 24.

PNG i stap long Pul A wantaim Nu Kaledonia, Tahiti na Vanuatu.

Ol tim i stap long grup B em Fiji, Samoa, Solomon Ailan na Nu Silan.

Dispela em i namba 7 OFC Anda 17 Sempionsip resis bilong ol na ol bai resis long

kwalifai long FIFA Anda 17 Wol Kap bai kamap long India long Oktoba 2017.

PNG bai pilai namba wan gem bilong ol egensim Nu Kaledonia long Febueri 11 na Kamake i tok, ol i lukluk long stat gut long namba wan gem bilong ol.

Ol PNG Anda 17 skwat em; Alben Pukue, Abraham Allen, Barthy Kerobin, Charley Ningikau, Dunstan Jamua Jeffery, Dopson Noi, Emmanuel Simongi, Emmanuel Yopiyopi, Freeman Giwi, Graham Berigami, Jonathan Allen, Kimson Kapai, Milton Karu Biwa, Oberth Boram Simon, Ricky ClydeWadunah, Samuel Jeremiah Detnom, Sylvester Wafihunia Luke, Thomas Kongrable, Wolfram Kob Gregory na Yagi Yasasa

Kaputin i statim 2017 sisen gut



Rellie Kaputin i statim gut 2017 sisen bilong em.

RELLIE Kaputin i statim 2017 sisen gut long wanep hap em i bin lusim long las yia.

Kaputin i bin winim tripela gol medal bilong PNG long 2015 Pasifik Gems i bin mekim stail stat long indo sisen wantaim wanpela Wes Teksas AM Yuni-versiti Indo long Long Jam long Sarere wantaim 5.83 mita.

Taim em i resis long Albuquerque, Nu Meksiko, Kaputin i

rekotim 1.70 mita long hai jam long Sarere na 12.63 mita long Sande long tripol jam.

Rekot bilong em long tripol jam em i namba wan long kantri long NCAA Diviusen tu level.

Het kosa, Darren Flowers i tok olsem dispela em i namba wan pefomens long histori bilong skul.

Presiden bilong Emetik PNG, Tony Green, i bilip olsem ka-

putin bai winim bikpela samting long dispela sisen sapos em i no kisim wanpela bagarap.

“Mi bai amamas wantaim Rellie long lukluk bilong em long winim bikpela mak taim mi go lukim em long Novemba, 2016,” Green i tok.

“Rellie i bin mekim gut long skul na long trening long 6-pela mun i go na em i lukluk long kam bek long resis.”

Foapela klap tasol i baim afiliesen fi

Philemon Tame i raitim

FOAPELA klap insait long ol 14-pela klap bilong Pot Mosbi Ragbi Futbol Lig (POMRFL) i baim afiliesen fi bilong ol pinis.

Ol 10-pela klap i no bai yet long resis bilong dispela sisen.

Edministreta bilong Pot Mosbi Ragbi Futbol Lig, Meke Maino, i tok, ol klap

husat i baim afiliesen fi mani mak long K1000.00 em Paga Panthers, Souths, Hohola Flies na Tarangau.

“Long dispela astingting, mipela i skruim 2016 Anual Jenerel Miting (AGM) i kam antap long dispela wiken bikos planti klap i no baim fi yet,” Maino i tok.

PNGRFL bai kamapim AGM bilong ol long dispela wik Sarere long Nesenel Fut-

bal Stediam we ol bai statim long 6.30 apinun.

Maino i tok, ol het tok bilong kibung bilong 2016 AGM em ol bai strongim afiliesen bilong olgeta klap bilong dispela sisen.

Em i tok klia olsem ol bai no inap ranim ileksen, nogat.

POMRFL sisen bilong 2017 em ol i makim taim long statim long mun Mas, bihain long MRDC 9s resis.

boksen na I joinim etletik.

Planti ol boksa husat i stap long Karkum Inlan Boksen Klap em ol yangpela man bilong Karkum namba wan viles, Domuken, Gorkom na Mirap long not kos rot long Madang.

Ol boksa i bin traim pait long taim bilong trening na ol i pinis long redim ol yet long Makim provins na go pilai. Namba wan trening pait bilong ol i bin kamap long ples Gorkom, na namba tu i bin kamap long Dumoken na las yia tasol ol i pilai long Mirap egensim wanpela klap bilong Ramu Suga. Long dispela pait ol bagaros bilong Karkum i soim stret kala bilong ol na opim ai bilong ol lain i go pilai wantaim ol.

Boksen klap long Madang i laikim sapot



Kodineta na kosa bilong Karkum Inlan Boksen Klap, Laki Tep, i laikim helpim long klap bilong em. Poto: James G. Kila

James G. Kila i raitim

WANPELA boksen klap long Madang provins husat i go het long trening na pilai i stap long ruel viles long Karkum long Sumgilbar distrik i laikim sapot.

Karkum Inlan Boksen Klap (KIBK) i laikim helpim hariap i kam long Madang Provinsal Spot Opis bilong strongim na promotim boksen spot long provins.

Kodineta na kosa bilong KIBK, Laki Tep, i tokaut olsem ol tim bilong em i trening yet na redi long makim Madang provins long PNG Gems, tasol ol i laikim ol gutpela ikwipmen long hepim ol gut.

Tep i tokaut olsem em i bin raitim planti leta i go

long Madang Spot opis, tasol i nogat gutpela bekim o sapot em i kisim.

KIBK em i wanpela tasol long provins i stap strong yet na promotim spot bilong boksen long provins na helpim ol yangpela man long go insait long spot long senisim pasin na stap gut insait long komuniti na daunim hevi bilong lo na oda.

Tep i tok em i bin redim ol pilaia bilong em long makim provins na go pilai long PNG Gems long 2014, tasol i nogat gutpela sapot i kam long Madang spot opis, we i stap aninit long lukaut bilong edvaisa, Joseph Bande.

Em i tok, nau yet em i wok long trenim moa long 20 pi-

PNG i dro wantaim Fiji long poroman resis



Tupela pilaia bilong Fiji na Papua Niugini i pait long kisim bal.

WANTAIM 2017 Osenia Futbol Sempionsip resis bilong ol Anda 17 bai kamap klostu, Fiji na Papua Niugini i dro, 0-0, long resis i bin kamap long Mt Smart.

Taim tupela tim wantaim i no bin kisim wanpela poin, Kosa bilong Papua Niugini, Harrison Kamake, i amamas long ol yangpela boi bilong em i soim namba wan kala

bilong ol.

“Mipela i kam kamap long Oklan, Nu Silan, long 2.30 moning tude na mi amamas long dispela risal,” Kamake i tok.

“Mipela bai go bek na painim aut long ol wanem hap mipela i no pilai orait na mipela bai mekim gut gen long ol poroman resis i stap yet.

“Mipela i no gai inap traim resis i stap na ol dispela poroman resis em ol bikipela samting bilong tim long lukim wanem hap mipela i sanap bilong skelim gut wanem hap mipela i no pilai gut na strongim ol dispela hap.”

Kosa bilong Fiji, Shalen Lal, tu i amamas long tim bilong em.

NGI Supa 9s i kamap namba wan

NAMBA 9 NGI Supa 9s resis i bin kamap long las wiken long Is Nu Briten Provins i kamap orait.

Kodineta, Steven Nightingale, i tok tripela de tonamen i kamap namba wan bikos ol referi, ol kodineta long taim bilong resis na ol staf i wok bung wantaim long taim bilong resis.

“Tim menesa bilong Agmark Gurias, Mapua Tamtu, i helpim mi long go pas na ranim dispela tonamen na tu, ol sponsa bilong ol wan wan tim tu i sapot strong long dispela resis i kamap.

“Ol lain husat i stap bilong lukim pilai tu i amamas long ol tripela de bilong resis. Fainal i bin kamap long Sande na moa long 2500 manmeri i bin kam long lukim 6-pela gem,” Nightingale i tok.

Nightingale i tok moa olsem, “Long yia i kam, mipela i lukluk long promotim dispela resis.”

“Mipela i go long planti tim na ol i bekim askim bilong mipela olsem ol i lukluk long kamapim dispela resis. Dispela i lukim olsem dispela resis bai kamap orait

long yia i kam.”

Ol risal bilong las wiken resis em;

NCDC KMA VIMS Cowboys i kamap sempion bilong 2017 NGI Supa 9s kap resis na o i bin winim K40,000.

Ol SSG Roosters bilong POM i kamap namba tu na i winim K12,000.

CDMC bilong Brisbane i winim Plet fainal resis na ol i kisim K5,000 na ol Hoodscow Wanderers bilong Kokopo i winim K3,000 bilong ol i bin kamap namba tu long plet fainal.



Ol Wina bilong 2017 NGI Supa 9s Kap resis.

Ol bai makim Lewas skwat tude

Philemon Tame i raitim

SITI Paması PNG Lewas skwat bilong Intenesenel Kriket Kaunsil (ICC) 2017 Wol Kap Kwalifaia bilong ol meri em ol bai tokaut tude long Pot Mosbi. Dispela bai kamap ausait long Siti Paması long hap bilong putim kar long Waigani Sentrel na pro-

gram bai stat long 10 klok moning.

Kwalifaia resis bai kamap long Colombo, Sri Lanka long Febuəri 7 i go inap long Febuəri 21.

Ol 10-pela tim bai resis long kisim 4-pela ples i stap yet bilong resis long Wol Kap bai kamap long Yunaitet Kingdon (UK) long mun Jun 26 i go inap long Julai 23 bi-

long dispela yia.

Ol kantri husat i stap insait long top 4 ples long kwalifaia resis bai go insait long propa resis.

Ol kantri i stap long Grup A kwalifaia resis em India, Sri Lanka, Ireland, Zimbabwe na Thailand na ol Grup B kantri em Saut Afrika, Pakistan, Bangladesh, Scotland na Papua Niugini.

Raun namba 10 bilong PIH Kopret indo resis i pinis

Philemon Tame i raitim

PASIFI Intenesenel Hospital (PIH) kopret indo resis i pinis raun namba 10 long las wiken long Amini Pak.

Long Avurigo pul, namba 5 ples Puma Energy i pilai strong yet long kisim wanpela ples long top 4 taim ol i bin win wantaim 45 ran egensim ol Water PNG.

Ol AVIS i kisim ples bilong ol yet taim bihain long birua tim bilong ol, National Fisheries Authority i no kam

long resis wantaim ol na ol i win nating.

Ol Rent A Tent i kisim namba tu ples taim ol i daunim ol National Parliament wantaim 77 ran.

PAG Rooster na PNG Ports i kisim wankain poin, 181 ran long pinis bilong resis. i no gat wanpela tim i kisim top skoa na brukim tupela we ol Roosters i stap long top spot na PNG Ports i stap long namba 3 ples long Laurabada pul.

SCAL i daunim Oil Search na NTIL i daunim Brian Bell

na kisim ples long top 4.

Ol BSP i abrusim ol Puma Energy taim ol i win wantaim 124 ran egensim ol NTIL.

Ol Digicel Redbacks i daunim ol NFA, tasol ol Water PNG i daunim ol wantaim 29 ran. Ol i bin lus, tasol ol Redbacks i stap yet long namba 3 ples bilong Avala Pul.

Long Lahara pul, ol Rigo i daunim ol PIH wantaim 36 ran. PAG i stap long namba 3 ples bihain long ol i daunim ol Bmobile-vodafone wantaim 35 ran.

SAPNG i plen long kamapim moa wol resis

SEFING Asosiesen bilong Papua Niugini (SAPNG) i plen long kamapim moa Wol Sef Lig resis long kantri.

Long namba wan taim bilong PNG, Longbod Wol Sempionsip Tua (LWCT) bilong man na meri bai kamap long Madang long mun Mas.

Presiden bilong SAPNG, Andrew Abel, i tok olsem dispela em i stat bilong planti moa sefing resis bai kamap long kantri.

“Dispela em i stat bikos mipela i plen long kamapim narapela sefing resis long yia 2018 long Kavieng, Nu Ailan provins, na bihain long dis-

pela, mipela bai kamap narapela resis gen long Vanimo o Bogenvil.

“Wanpela namba wan samting mipela i laik mekim long hia em, wantaim sapot bilong nesenel gavman, aninit long lukautim bilong Turisim Promosen Atoriti (TPA), dispela i bilong soim tru kalsa bilong PNG long ol ruel eria we 85 pesen bilong populesen bilong yumi i stap long en,” Abel i tok.

Abel i tok moa olsem SAPNG bai go long Bogenvil long mun Epril bilong dispela yia long givim ol sefing bod i go long han bilong

Otonomas Bogenvil Gavman.

Long wankain taim, TPA i givim K200,000 long helpim ol long mekim wok redi bilong LWCT resis bilong ol man na meri bai kamap.

CEO bilong PNG TPA, Jerry Agus, i tok, sponsasip bilong ol long SAPNG em i bikipela samting bikos kantri bai go pas long bikipela intenesenel spotting resis we moa long 120 milien pipel long wol bai lukim long TV.

Resis bai kamap long Tupira Sefing Klap long Madang long Mas 18 i go inap long Mas 25



Piksa i soim dispela kain resis bai kamap long kantri long mun Mas, 2017.



Praivet Netbal Kompetisen pilai long Bisini.



Praivet Nebal resis namel long Bmobile na Kagutoki.

Oi Poto: Nicky Bernard



Pilaia bilong Yokomo i resis long kism bes taim pilai bilong Saints i putim was.



Pilaia bilong Defence i slait long bes tasol em leit long pilaia bilong Brothers i autim em.




Beta bilong Stingers i no isi long paitim bal taim ol kism ol Saints long pilai bilong ol meri long softbal pilai bilong ol long Bisini.



OI PNGAFL pilaia wantaim yunifom bilong sanap wantaim Minista taim em tokaut long PNGAFL bai gat pilaia graun bilong ol yet long Bisini.



Oi tim menesa bilong Kone Storms i givim 5 yia plen bilong tim bilong ol i go long Sports Minista na memba bilong ol bilong Mosbi Saut, Justin Tkatchenko.



WHITE TUNA FLAKES
DIANA White



Manufactured by:
RD Tuna Cannery Ltd.

WHITE TUNA
insait
K 2.20



Tasty and Flavourful White Tuna for Everyone!

Tkatchenko i tok tenkyu long Wol Ragbi

Sports Minister, Justin Tkatchenko, wantaim Presiden bilong PNGRFU, Steven Kami, i givim nupela yunifom i go long kepten bilong PNG Ragbi Yunien 7 long go pilai long Wellington, Sydney na Hong Kong bipo ol flai aut long Tunde. *Poto Nicky Bernard.*



SPOT Minista, Justin Tkatchenko, i tok tenkyu long Wol Ragbi bilong ol i bekim askim bilong em kwiktaim na ol i luksave long wok bilong em long Gavman.

“Mi laik tok tenkyu long Wol Ragbi i bekim pas bilong mi hariap, we mi bin kisim long Januari 21, 2017,” Tkatchenko i tok.

“Mi tok tenkyu tu long Wol Ragbi i luksave long wok bilong Nesenel Gavman long spot long Papua Niugini aninit long Ministri bilong Spot na Spot Faundesen, na dispela em i wari bilong mipela olsem wanpela stekholda long developmen bilong Ragbi Yunion.

“Wol Ragbi i tok klia gut long ol i salim pas i kam. Nau mi lukluk long helpim PNG Ragbi olsem Wol Ragbi i laikim.”

Tkatchenko i tok moa olsem em i sapotim askim bilong Wol Ragbi olsem ol i plen long kamapim Anual Jenerel Miting long Januari 25 em ol i katim na mipela bai go insait long wanpela mediesen proses long bungim olgeta pati.

“Ol tok skul we Wol Ragbi i mekim em i bilong painim bel isi we ol Indipenden En-

titi i go pas long dispela, na wantaim PNG Olimpik Komiti, Spot Ministri na ol narapela pati.

“Mi ting olsem sapos sampela eksen i no kamap orait em dispela bai no inap strongim Ragbi long PNG.

“Wol Ragbi, PNG Olimpik Komiti na ol Pati bilong PNG Ragbi i mas kamapim bel isi kwiktaim,” Tkatchenko i tok.

Em i tok moa olsem em i gat bikpela amamas bikos, ol dispela kain tok pait i kamap tasol, i gat sampela lain i stap strong na givim inap taim lukautim amamas bilong Ragbi long PNG.

Wol Ragbi i salim e-meil i kam long opis bilong minista long Januari 20, 2017, na i tok tenkyu long Minista Tkatchenko i salim pas i go long Wol Ragbi long Januari 13, 2017.

Minista Tkatchenko i tok klia long ol wanem toktok Wol Ragbi i mekim long Gavman wantaim Ragbi long PNG na ol lain husat i stap insait long opis bilong Wol Ragbi i amamas long tok klia bilong em.

Ol i tok ol i rispektim wok bilong em long opis bikos bipo leta bilong ol i no kam long gutpela rot na i bagarapim wok bilong Minista.

ISUZU N-SERIES

the Perfect Business Partner.

BOROKO MOTORS

Port Moresby 325 5255 Lae 472 1144 Madang 422 2659 Mt Hagen 542 1933 Goroka 532 3552 Kimbe 983 5035 Kokopo 982 8193 Tabubil 649 9048
Email: info@borokomotors.com.pg | Web: www.borokomotors.com.pg

